

後漢書

二

漢書門類				
一三五	函	架	冊	三〇

內閣文庫				
一三五	函	架	冊	三〇

內閣文庫			
番號	漢	135	
冊數	30	(2)	
函號	280	8	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



後漢書帝紀卷二

宋 宣城太守范曄 撰

唐 章懷太子 賢 註

明帝紀第二

顯宗孝明皇帝諱莊法曰照臨四方曰明伏光武第四子也。母陰

皇后。帝生而豐下杜預注左傳云豐下蓋面方也東觀十歲能通春秋。

光武奇之。建武十五年封東海公。十七年進爵為王。十九年立

為皇太子。師事博士桓榮。學通尚書。中元二年二月戊戌。即皇

帝位。年三十。尊皇后曰皇太后。三月丁卯葬。光武皇帝於原陵。

帝王紀曰原陵方三百二十步高六丈在臨平亭東南去洛陽十五里有司奏上尊廟曰世祖。夏四月丙

辰詔曰予末小子奉承聖業夙夜震畏不敢荒寧先帝受命

與德侔帝王協和萬邦假於上下假至也音格懷柔百神惠於鰥寡

懷安也柔和也禮曰凡山林能興雲致雨者皆曰神有天下者祭百神懷柔百神也書曰惠于鰥寡朕承大運繼體守文創基之王則尚

後漢書帝紀卷二

武功以定禍亂其繼體而立者則守文不知稼穡之艱難懼有廢失聖恩

遺戒顧重天下以元元為首公卿百僚將何以輔朕不逮其賜

天下男子爵人二級前書音義曰男子者謂戶內之長也商鞅為秦制爵二十

大夫八公乘九五大夫十左庶長十一右庶長十二左更十三中更大夫十四右更十

五小上造十六大上造十七駟車庶長十八大庶長十九關內侯二十徹侯人賜爵者

有罪得贖貧三老孝悌力田人三級三老孝悌力田三者皆鄉官之名三老

里助成風化也文帝詔曰孝悌天下之大順也力田為生爵過公乘得移與子

之本也三老衆人之師也其以戶口率置其事見前書爵過公乘得移與子

若同產同產子漢制賜爵自公士已上不得過公乘及流人無名數欲

自占者人一級故過者得移授也同產同母兄弟也及流人無名數欲

有及字三年詔無名數謂無文簿也占謂自歸首也劉攽曰及流人無名數

亦無可之驗案他處詔書皆有脫無名數則云及流人云云此無故不當

元元年四月己卯赦前所犯而後捕繫者悉免其刑又邊人遭

亂為內郡人妻在己卯赦前一切遣還邊恣其所樂中二千石

下至黃綬漢制二百石以上銅印黃綬也貶秩贖論者悉皆復秩還贖方今上無

天子下無方伯公羊傳曰上無天子下無方伯此制引以為謙也若涉淵冰而無舟楫夫萬

乘至重而壯者慮輕帝謙言年尚少壯思慮輕淺故須賢人輔弼實賴有德左右小子

也也左右高密侯禹元功之首東平王蒼寬博有謀並可以受六

尺之託臨大節而不撓六尺謂年十五已下大節謂大事撓屈也音女孝反其以禹為太傅蒼

為驃騎將軍太尉憲告諭南郊趙憲也應劭風俗通曰禮臣子無爵諡君

於南郊告李詵也梓宮以梓木為棺風俗通曰司空魴

將校復土馮魴也將校謂將領五校兵以主穿墻也前書音義曰復其封憲

為節鄉侯詎為安鄉侯魴為楊邑侯秋九月燒當羌寇隴西敗

郡兵於允街允街縣名也允音鉛街音佳屬金城郡故城在赦隴西囚徒

減罪一等勿收今年租調又所發天水三千人亦復是歲更賦

更謂戌卒更相代也賦謂履更之錢也前書音義曰更有三品有卒更有踐更有過更

古正卒無常人皆當迭為之有一月二更更者欲得履更錢次直者出錢履

行者不可往即還因任一歲次直者出錢六百履之謂之過更劉攽曰注有一月二

更案文多一有字緣一月字似遣謁者張鴻討叛羌於允吾允吾縣名屬

在今關州廣武縣西金城郡故城鴻軍大敗戰歿冬十一月遣中郎將竇固監捕

南允音洽音音牙

虜將軍馬武等二將軍討燒當羌十二月甲寅詔曰方春戒節人以耕桑其勅有司務順時氣使無煩擾禮記孟春之月布德和令行慶施惠仲春無作大事

以妨農事天下亡命殊死以下聽得贖論死罪入縲二十四匹右趾至

髡鉗城旦春十匹前書音義曰右趾謂別其右足次則左足次則次髡次髡

不任軍役之事但令春以食徒者完城旦春至司寇作三匹完者謂不加髡鉗而築城也

寇其未發覺詔書到先自告者半入贖今選舉不實邪佞未去

權門請託殘吏放手放手謂貪縱為非也百姓愁怨情無告訴有司明奏罪

名并正舉者舉非其人並正舉主之罪又郡縣每因徵發輕為姦利詭責羸弱

先急下貧其務在均平無令枉刻

永平元年春正月帝幸公卿已下朝於原陵如元會儀漢官儀曰古不

墓祭秦始皇起寢於墓側漢因而不改諸陵寢皆以晦望二十四氣三伏社臘及四時上飯其親陵所宮人隨鼓漏理被枕具盥水束莊具天子以正月上原陵公卿百官及

諸侯王郡國計吏皆當軒下占其郡國穀價夏五月太傅鄧禹薨戊寅東

海王彊薨遣司空馮紡持節視喪事賜升龍旄頭鑾輅龍旂旄頭旄

見光武紀鑾鈴也在鑾交謂為旄唯天子用之今特賜以葬六月乙卯葬東海恭王秋七月捕虜將

軍馬武等與燒當羌戰大破之募士卒戍隴右賜錢人三萬八

月戊子徙山陽王荆為廣陵王遣就國是歲遼東太守祭彤使

鮮卑擊赤山烏桓大破之斬其渠帥赤山在遼東西北數千里越嵩姑復夷叛

姑復縣名州郡討平之

二年春正月辛未宗祀光武皇帝於明堂帝及公卿列侯始服

冠冕衣裳玉佩紉履以行事漢官儀曰天子冠通天諸侯王冠遠遊三公諸

梁二千石已下至小吏冠一梁天子公卿特進諸侯祀天地明堂皆冠冕天子十二

旒三公九卿諸侯七其纓各如其綬色玄衣纁裳周禮曰王祀昊天上帝則服大裘而

冕祀五帝亦如之三禮圖曰冕以三十升布漆而為之廣八寸長尺六寸前圓後方前

下後高有僂伏之形故謂之冕欲入之位彌高而志彌下故以名焉董巴與服志曰顯

宗初服冕衣裳以祀天地衣裳以玄上纁下乘輿刺繡公卿以下皆織成陳留襄邑獻之

山龍九章卿已下用華蟲七章皆五色采乘輿刺繡公卿以下皆織成陳留襄邑獻之

徐廣車服注曰漢明帝案古禮備其服章天子郊廟衣皂上絳下前三幅後四幅衣畫

而裳繡禮記曰古之君子必佩玉君子於玉比德焉天子佩白玉諸侯佩山玄玉大夫

佩水蒼玉世子佩瑜玉周禮履人掌王赤鳥青紉鄭玄注云赤鳥為上冕服之紉也紉

屨鼻頭以青絲飾之紉音幼三禮圖曰屨複下曰紉其色各隨裳色○劉放曰注二千

石已下至小吏案上文已云二禮畢登靈臺使尚書令持節詔驃騎將

千石冠兩梁此則多一二字

軍三公曰。今令月吉日。宗祀光武皇帝於明堂。以配五帝。五經通義曰。帝靈威仰。赤帝。赤熒怒。黃帝。含樞紐。白帝。白招矩。黑帝。叶光紀。牲幣及禮備法物。樂玉各依方色。○劉攽曰。注白招矩。案禮作白招拒。音矩。不便作矩也。

私入音。詠祉福。舞功德。祉亦福也。詠謂詩云。降福履。之類。景帝詔曰。歌者所以發德。舞者所以明功。其班時

令勅群后。班布也。時令謂月令也。四時各有令。若有乖舛。必致妖灾。故告之。○劉攽曰。正文案此詔。方叙行禮事。未有勅下語。則此其字為衍文。下文自有其令天

下云云。事畢。升靈臺望元氣。吹時律。觀物變。元氣。天氣也。王者承天。下云云。事畢。升靈臺望元氣。吹時律。觀物變。元氣。天氣也。王者承天。下云云。事畢。升靈臺望元氣。吹時律。觀物變。元氣。天氣也。王者承天。

之氣也。故望之焉。時律者。即月令孟春律中太簇。仲春律中夾鍾。仲夏律中蕤賓。仲秋律中夷則。仲冬律中黃鐘。禮曰。聖人

截十二管。察八音之清濁。謂之律呂。律呂不正。則諸氣不和。周禮。保章氏以五雲之色。辨吉凶。水旱豐荒之祲象。鄭司農注。以二至二分。觀雲色。青為蟲。白為喪。赤為兵。荒黑

為水。黃為豐。故春秋傳曰。凡分至啓閉。必書雲物。為備故也。杜預注云。物謂氣色灾變也。群僚藩輔。宗室子孫。眾郡奉計。百蠻貢職。奉計。謂計吏也。詩曰。因時百蠻。百言衆多也。獨

言蠻通。烏桓濊貊咸來助祭。單于侍子骨都侯。亦皆陪位。斯固

聖祖功德之所致也。朕以闇陋。奉承大業。親執圭璧。恭祀天地。

周禮曰。四圭尺有二寸。以祀天。又曰。以蒼璧禮天。以黃琮禮地。以青圭禮東方。以赤璋禮南方。以白琥禮西方。以玄璜禮北方。仰惟先帝受命

中興。撥亂反正。以寧天下。撥。理也。公羊傳曰。撥亂。世反之正。莫近於春秋。封泰山。建明堂。立

辟雍。起靈臺。恢弘大道。被之八極。淮南子曰。九州之外有八冥。八冥之外有八紘。八紘之外有八極。

胤子無成。康之質群。臣無呂且之謀。明帝自謂無成。康之時。刑措不用。四十餘年。○劉攽曰。注案文意。當

更有成康之質。曰字。盟洗進爵。蹶踏惟慙。鄭玄注。論語云。蹶。踏也。恭貌。盥音管。素性頑鄙。臨

事益懼。故君子坦蕩蕩。小人長戚戚。坦蕩。明達之貌。戚戚。常憂懼也。其令天下自

殊死。已下謀反大逆。皆赦除之。百僚師尹。其勉修厥職。順行時

令。敬若昊天。以綏兆人。若順也。三月。臨辟雍。初行大射禮。儀禮曰。大射之

禮。王將祭射宮。擇士以助祭也。張虎侯。熊侯。豹侯。其制若今之射的矣。謂之為侯者。天

子射中之。可以服諸侯也。天子侯中一丈八尺。畫以雲氣焉。王以六耦射。三侯。樂以騶

虞九節。諸侯以四耦射。二侯。樂以狸首七節。孤卿大夫以三耦射。一侯。樂以采蘋五節。

士以二耦射。射侯。樂以采芣三節。○劉攽曰。注儀禮曰。大射之禮。案此非儀禮本文。以

合著。秋九月。沛王輔。楚王英。濟南王康。淮陽王延。東海王政。來

朝。冬十月壬子。幸辟雍。初行養老禮。詔曰。光武皇帝建三朝之

禮。而未及臨饗。三朝之禮。謂中元元年。眇眇小子。屬當聖業。尙書康王

末小子。孔安國注。云眇眇。猶微微也。開暮春吉辰。初行大射。令月元日。東觀記曰。復踐

辟雍。尊事三老。兄事五更。安車輓輪。供綏執授。侯王設醫。公卿

饌珍。朕親袒割。執爵而酌。孝經。援神契曰。尊事三老。父象也。宋均注曰。老人

知天地之事者。安車坐乘之車。輓輪以蒲。裹輪。輓

後漢書卷之二十一

明帝

知天地之事者。安車坐乘之車。輓輪以蒲。裹輪。輓

音而克反三老就車天子親執綏授之說文綏車中把也五更老人知五行更代事者漢官儀曰三老五更皆取有首妻男女全具者續漢志曰養三老五更先吉日司徒上太傅若講師故三公人名用其德行年耆高者三公一人為三老次卿一人為五更皆服絺紵大袍單衣卓綠領袖中衣冠進賢扶玉杖五更亦如之不以皆齋子太學講堂其日乘輿先到辟雍禮畢殿坐于東廂遣使者安軍迎三老五更天子迎于門屏交拜導自阼階三老自賓階升東面三公設几杖九卿正履天子親袒割俎執醬而饋執爵而酌五更南面三公進供禮亦如之明日皆詣闕謝以其於已禮太隆也醬醢也珍謂肴羞之屬即周禮八珍之類鄭玄注儀禮云醢也所以潔口音胤○劉攽曰注老人知天地之事案本以知天地人三才祝嘏在前祝嘏在後老人食多嘔咽故故謂之三老則此之字當作人也

令其不升歌鹿鳴下管新宮鹿鳴詩小雅篇名也新宮小雅逸篇也升登也嘔噎也

管新入僧具脩萬舞於庭僧列也請舞者行列也左氏傳曰天子八佾諸侯六大夫四士二夫舞所以節八音而行八風故自八以下萬亦舞也詩云公庭萬舞朕固薄德何以克當易陳頁乘詩刺彼已易曰負且

負也者小人之事也乘也者君子之器也小人而乘君子之器盜思奪之矣詩曰彼已之子不稱其服也永念慙疚無忘厥心三

老李躬年耆學明五更桓榮授朕尚書詩曰無德不報無言不

酬詩大雅也其賜榮爵關內侯食邑五千戶三老五更皆以二千石

祿養終厥身其賜天下三老酒人一石肉四十斤有司其存者

蓋禮記曰六十曰耆七十曰叟釋名曰耆指也不從力役指事使人也蓋鐵也皮腐變黑色如鐵也恤幼孤恐鰥寡稱朕意

焉中山王焉始就國甲子西巡狩幸長安祠高廟遂有事於十

一陵歷覽館邑會郡縣吏勞賜作樂十一月甲申遣使者以中

牢祠蕭何霍光帝謁陵園過式其墓東觀漢記曰蕭何墓在長陵東司馬門道北百步又云霍光墓在茂

敬也禮記曰行過墓必式進幸河東所過賜二千石令長已下至於

掾吏各有差續漢志曰郡國及縣諸曹皆置掾吏癸卯車駕還宮十二月護羌校尉

賈林下獄死是歲始迎氣於五郊續漢書曰迎氣五郊之兆四方之兆各依其位中央之兆在未壇者三尺

立春之日迎春於東郊祭青帝勾芒車服皆青歌青陽八佾舞雲翹之舞立夏之日迎

夏於南郊祭赤帝祝融車服皆赤歌朱明八佾舞雲翹之舞先立秋十八日迎黃靈於

中兆祭黃帝后土車服皆黃歌朱明八佾舞雲翹之舞立冬之日迎秋於西郊祭

白帝蓐收車服皆白歌白藏八佾舞有命之舞立冬之日迎冬於北郊祭黑帝玄冥車

服皆黑歌玄冥八佾舞有命之舞少府陰就子豐殺其妻酈邑公主就坐自殺酈縣屬南陽郡

三年春正月癸巳詔曰朕奉郊祀登靈臺見史官正儀度儀謂

以銅為之置於靈臺王者正天文之器也度謂日月星辰之行度也史官即太史掌天文之官也夫春者歲之始也始得其

正則三時有成正謂日月五星不失其次也三時謂春夏秋左傳曰務其三時比者水旱不節邊人食

陽郡

音樸

明帝

五

寡政失於上。人受其咎。有司其勉順時氣。勸督農桑。去其螟蟻

以及蝥賊。爾雅曰。食苗心曰螟。食根曰螻。蟻一名短狐。今之水螿。含沙射人。為災言此者。欲令臣下順時行政。勿侵擾也。詳刑慎罰。

明察單辭。單辭猶偏辭也。夙夜匪懈。以稱朕意。二月甲寅。太尉趙憙。司

徒李訢免。丙辰。左馮翊郭丹為司徒。己未。南陽太守虞延為太

尉。甲子。立貴人馬氏為皇后。皇子烜。音丁為皇太子。賜天下男

子爵人二級。三老孝悌力田。人三級。流人無名數欲占者。人一

級。鰥寡孤獨。篤癯貧不能自存者。粟人五斛。夏四月辛酉。封皇

子建為千乘王。千乘國名。今青州縣。故城在今淄州高宛北。羨為廣平王。六月丁卯。有星

孛于天船北。天船星名。續漢志曰。天船為水。孛出之為大水。是歲伊洛水。溢到津城門。伏侯古。今注曰。慧長三尺。所見三十五日乃去。秋

八月戊辰。改太樂為太子樂。尚書璇璣鈴曰。有帝漢出。德洽作樂。名子。秩六百。壬申晦。日有食之。詔曰。朕奉承祖業。無有善政。日月薄蝕。

孛孛見天。水旱不節。稼穡不成。人無宿儲。下生愁墊。儲積也。墊。也。音丁。念反。說苑曰。楚莊王

雖夙夜勤思。而智能不逮。昔楚莊無災。以致戒懼。見天不見妖。而

地不出孽。則禱于山川曰。天其忘魯哀禍大。天不降譴。春秋感精符曰。魯哀公

余歎此能求過于天。不逆諫矣。亂之類。皆致日食之變。而不應者。譴之何益。告之不悟。故哀公之篇絕無日食之異。今之動變。儻尙可救。有司勉思

厥職。以匡無德。古者卿士獻詩。百工箴諫。國語曰。天子聽政。公卿至于庶士。獻詩。師箴。百工諫。庶人

傳語。近臣盡規。而後王斟酌事焉。其言事者。靡有所諱。冬十月。蒸祭光武廟。禮記曰。冬

祭。成可祭者。衆。初。奏文始五行武德之舞。前書曰。文始舞者。本舜韶舞也。高

祖六年。更名曰文始。其舞人執羽

籥。五行者。本周舞也。秦始皇二十六年。更名曰五行。其舞人冠冕衣服。法五行色。武德

者。高祖四年。言行武以除亂也。其舞人執干戚。光武草創禮樂。未備。今始奏之。故云

也。甲子。車駕從皇太后幸章陵。觀舊廬。十二月戊辰。至自章陵

是歲。起北宮及諸官府。京師及郡國七大水

四年。春二月辛亥。詔曰。朕親耕藉田。以祈農事。禮記曰。天子親耕于

而朱紘躬秉耒耜。五經要義曰。天子藉田。以供上帝之粢盛。所以先百姓而致孝敬也。

藉田也。言親自蹈履于田而耕之。續漢志云。正月始耕。既事告祠。先農漢舊儀曰。先農

即神農炎帝也。祠以太牢百官皆從。皇帝親執耒耜而耕。天子三推。三公五推。孤卿

卿十大夫十二士。庶人終畝。乃致藉田。倉置令丞。以給祭天地宗廟。以為粢盛。京師

冬無宿雪。春不煖沐。煖。音於。六反。沐。潤也。澤也。言無暄潤之氣也。煩勞群司。積精禱求。

猶儲積也。說文云。告事求福曰禱。而比再得時雨。宿麥潤澤。其賜公卿半奉。有司

後漢書紀卷二

勉遵時政。務平刑罰。秋九月戊寅。千乘王建薨。冬十月乙卯。司徒郭丹。司空馮魴免。丙辰。河南尹范遷為司徒。太僕伏恭為司空。十二月。陵鄉侯梁松下獄死。坐縣飛書誹謗

五年。春二月庚戌。驃騎將軍東平王蒼罷歸藩。琅邪王京就國。冬十月。行幸鄴。與趙王栩會鄴。常山三老言於帝曰。上生於元氏。願蒙優復。詔曰。豐沛濟陽受命所由。加恩報德。適其宜也。今

永平之政。百姓怨結。而吏人求復。令人愧笑。重逆此縣之拳拳。重難也。拳拳猶勤勤也。禮記曰。得一善則拳拳服膺而不息。其復元氏縣田租更賦六歲。勞賜縣掾史。及門闢走卒。續漢志曰。五伯鈴下待闕門闕部署。街里走卒皆有程品多少。隨所典領。至自鄴。十一月。北

匈奴寇五原。十二月。寇雲中。南單于擊却之。是歲。發遣邊人在內郡者。賜裝錢人二萬。

六年。春正月。沛王輔。楚王英。東平王蒼。淮陽王延。琅邪王京。東海王政。趙王盱。北海王興。齊王石來朝。二月。王雒山出寶鼎。或

雄作。廬江太守獻之。夏四月甲子。詔曰。昔禹收九牧之金。鑄鼎以象物。使人知神姦。不逢惡氣。夏禹之時。命遠方圖畫山川奇異之物。使九州之牧貢金。鑄鼎以象之。令人知鬼神百物。形狀而備之。故人入山林川澤。魑魅罔莫能逢之。惡氣謂罔兩之類。事見左傳。遭德則興。遷于商周。周德既衰。

鼎乃淪亡。史記曰。周鼎亡入泗水中。秦始皇過彭城。齊戒欲出周鼎於泗水。使千人沒水求之。不得。祥瑞之降。以應有德。方今政化多僻。何以致茲。易曰。鼎象三公。易曰。鼎折足。覆公餗。豈公卿

奉職得其理邪。太常其以禱祭之日。禮記曰。夏祭曰禱。音藥。禱。薄也。夏物未成。祭尚薄。陳鼎於廟。以備器用。賜三公帛五十匹。九卿二千石半之。先帝詔書

禁人上事言聖。而間者章奏頗多浮詞。自今若有過稱虛譽。尚書皆宜抑而不省。示不為詔。子蚩也。冬十月。行幸魯祠。東海恭王陵。會沛王輔。楚王英。濟南王康。東平王蒼。淮南王延。琅邪王京。東海王政。十二月。還幸陽城。遣使者祠中岳。壬午。車駕還宮。東平王蒼。琅邪王京從駕。來朝皇太后。

七年。春正月癸卯。皇太后陰氏崩。二月庚申。葬光烈皇后。秋八



月戊辰。北海王興薨。是歲。北匈奴遣使乞和親。

八年。春正月己卯。司徒范遷薨。漢官儀曰。遷字子閭。沛人也。三月辛卯。太尉虞

延爲司徒。衛尉趙憲行太尉事。遣越騎司馬鄭眾報使北匈奴。

初置度遼將軍。屯五原曼柏。武帝拜范明友爲度遼將軍。至此復置焉。以中郎將吳常行度遼將軍。曼柏縣在今勝州

縣也。秋。郡國十四雨水。冬十月。北宮成。丙子。臨辟雍。養三老五

更。禮畢。詔三公募郡國中。都官死罪繫囚。減罪一等。勿答。詣度

遼將軍營。屯朔方五原之邊縣。妻子自隨便。占著邊縣。占著謂附名藉

父母同產欲相代者。悉聽之。其大逆無道。殊死者。一切募下蠶

室。亡命者。令贖罪。各有差。凡徙者。賜弓弩衣糧。壬寅晦。日有食

之。既既盡也。詔曰。朕以無德。奉承大業。而下貽人怨。上動三光。日

食之變。其灾尤大。春秋圖讖。所謂至譴。春秋感精符曰。人主舍天光據

人道得正。則日月光明。五星有度。日明則政理。不明則政亂。故常戒以自勅。厲日食皆象君之進退。爲盈縮。當春秋撥亂日食三十六。故曰至譴也。○劉攽曰。正文春秋圖讖

所爲至譴案。永思厥咎。在予一人。群司勉修職事。極言無諱。於是

文爲當作謂。

在位者皆上封事。各言得失。

宣帝始令羣臣得奏封事。以知下情。封有正有副。副封以防擁蔽。有副。領尙書者。先發副封。所言不善。屏而不

所言。皆朕之過。人寃不能理。吏黠不能禁。而輕用人力。繕修官

宇。出入無節。喜怒過差。昔應門失守。關雎刺世。春秋說題辭曰。人主

關雎以感之。宋均注曰。應門。聽政之處也。言不以政事爲務。則有宣淫之心。關雎樂而不淫。思得賢人。與之共化。修應門之政者也。薛君韓詩章句曰。詩人言雎鳩貞潔。慎匹

以聲相求。隱蔽于無人之處。故人君退朝。入于私宮。后妃御見有度。應門擊柝。鼓人上

堂。退反宴處。體安志明。今時大人內傾于色。賢人見其萌。故詠關雎。說淑女正容儀。以

刺。飛蓬隨風。微子所歎。管子曰。無儀法程式。飛搖而無所定。謂之永覽前

戒。竦然兢懼。徒恐薄德。久而致怠耳。北匈奴寇西河諸郡。

九年。春三月辛丑。詔郡國死罪囚減罪。與妻子詣五原朔方。占

著所在死者。皆賜妻。父若男同產一人。復終身。其妻無父兄。獨

有母者。賜其母錢六萬。又復其口筭。口筭。已見光武紀夏四月甲辰。詔

郡國以公田賜貧人。各有差。令司隸校尉部刺史。歲上墨綬長

吏視事三歲已上。理狀尤異者各一人。與計偕上。偕。俱也。所徵之人

令典計吏俱上

及尤不政理者亦以聞是歲大有年穀梁傳曰五穀皆熟書大有年為四姓小侯

開立學校置五經師袁宏漢紀曰永平中崇尚儒學自皇太子諸王侯及功

弟立學號四姓小侯置五經師以非列侯故曰小侯禮記曰庶方小侯亦其義也

十年春二月廣陵王荆有罪自殺國除夏四月戊子詔曰昔歲

五穀登衍鄭玄注周禮云五穀黍稷麥麻米也登成也衍饒也音以戰反今茲蠶麥善收其大赦天下

方盛夏長養之時蕩滌宿惡以報農功百姓勉務桑稼以備災

害吏敬厥職無令愆墮閏月甲午南巡狩幸南陽祠章陵日北

至又祠舊宅北至夏禮畢召校官弟子作雅樂奏鹿鳴校學也鹿鳴詩小雅

篇名宴羣臣嘉賓之詩帝自御垣苑和之以娛嘉賓鄭玄注周禮云垣燒土為之大如鴈子鄭衆曰有六孔世本曰

暴辛公作能以竹為之長尺四寸有八孔還幸南頓勞饗三老官屬冬十月徵淮陽王延

會平輿縣名屬汝南郡故城在今豫州汝陽縣東北與音預徵沛王輔會睢陽十二月甲午車

駕還宮

十一年春正月沛王輔楚王英濟南王康東平王蒼淮陽王延

中山王焉琅邪王京東海王政來朝秋七月司隸校尉郭霸下

獄死是歲漢湖出黃金廬江太守以獻漢湖湖名音子小反在今廬州合肥縣東南時麒

麟白雉醴泉嘉禾所在出焉

十二年春正月益州徵外夷哀牢王相率內屬於是置永昌郡

罷益州西部都尉西南夷傳曰罷益州西部所領六縣合為永昌郡置哀牢博南二縣去洛陽七千里在今匡州匡川縣西夏四

月遣將作謁者王吳修汴渠自滎陽至于千乘海口汴渠即莫壽渠也汴自滎

陽首受河所謂石門在滎陽山北一里過汴以東積石為隄亦號金隄成帝陽嘉中所作也五月丙辰賜天下男子爵人

二級三老孝悌力田人三級流民無名數欲占者人一級鰥寡

孤獨篤癯貧無家屬不能自存者粟人三斛詔曰昔曾閔奉親

竭歡致養曾參字子與閔損字子騫仲尼葬子有棺無槨論語曰鯉也死有棺而無槨

喪貴致哀禮存寧儉今百姓送終之制競為奢靡生者無檐石

之儲而財力盡於墳土前書音義曰檐音丁濫反言一石之儲方言作甌云

甌石之儲者也埤蒼曰大甌也字或作儋音丁甘反伏臘無糟糠而牲牢兼於一奠史記曰秦德公始為伏祠歷忌

後漢書紀卷二

曰伏者何也。金氣伏藏之日也。四氣代謝。皆以相生。至于立秋。以金代火。金畏于火。故庚日必伏。月令孟冬之月。臘先祖說文云。臘冬至後祭百神。始皇更臘曰嘉平。奠喪祭也。糜破精世之業。以供終朝之費。子孫饑寒。絕命於此。豈祖考之意哉。又車服制度。恣極耳目。田荒不耕。游食者衆。游食謂浮食者有司其申明科禁。宜於今者。宣下郡國。秋七月乙亥。司空伏恭罷。乙未。大司農牟融爲司空。冬十月。司隸校尉王康下獄死。是歲。天下安平。人無徭役。歲比登稔。百姓殷富。粟斛三十。牛羊被野。十三年。春二月。帝耕於藉田。禮畢。賜觀者食。三月。河南尹薛昭下獄死。夏四月。汴渠成。辛巳。行幸滎陽。巡行河渠。乙酉。詔曰。自汴渠決敗。六十餘歲。王景傳曰。平帝時。汴河決壞。加頃年以來。雨水不時。汴流東侵。日月益甚。水門故處。皆在河中。滉漾廣溢。莫測圻岸。圻。折也。蕩蕩極望。不知綱紀。今兗豫之人。多被水患。乃云。縣官不先入急。好興它役。又或以爲河流入汴。幽冀蒙利。故曰。左隄彊。則右隄傷。左右俱彊。則下方傷。宜任水勢所之。使人隨高而處。公家

息壅塞之費。百姓無陷溺之患。議者不同。南北異論。朕不知所從。久而不決。今旣築隄理渠。絕水立門。河汴分流。復其舊迹。陶丘之北。漸就壤績。爾雅曰。丘再成曰陶丘。孫炎曰。形如累兩。孟也。郭璞曰。今濟國曰。無地曰。漸。陰定陶城中。有陶丘也。尙書曰。厥土惟黑壤。下土墳。盧。孔安國曰。無地曰。漸。墳。起也。故薦嘉玉絜牲。以禮河神。禮記曰。凡祭玉曰嘉。玉儀禮曰。絜牲剛設。東過洛汭。歎禹之績。水北曰汭。洛汭。洛水入河處也。績。功也。河洛皆禹所加功。故歎之。今五土之宜。反其正色。周禮曰。山林川澤。丘陵墳衍。原隰。謂之五土也。色。謂其黃白青黑之類。孔安國曰。水所去。土復其性也。濱渠下田。賦與貧人。無令豪右得固其利。濱。近也。豪。右。大家也。庶繼世宗瓠子之作。瓠子。隄名也。武帝元封二年。發卒數萬人。塞瓠子決。河。沉白馬。玉璧。令群臣皆負薪填河。在今濮州濮陽縣西也。因遂度河。登太行。進幸上黨。壬寅。車駕還宮。冬十月壬辰晦。日有食之。三公免冠自劾。制曰。冠履勿劾。災異屢見。咎在朕躬。憂懼遑遑。未知其方。將有司陳事。多所隱諱。使君上壅蔽。下有不暢乎。昔衛有忠臣。靈公得守其位。論語孔子曰。衛靈公無道。季康子曰。夫如是。奚其不喪。孔子曰。仲叔圉治賓客。祝佗主宗廟。王孫賈主軍旅。夫如是。奚其喪。今何以和穆陰陽。消伏災譴。刺史太守。詳刑理寃。存恤鰥孤。勉思職焉。十一月。

楚王英謀反。廢國除。遷於涇縣。涇縣屬丹陽郡。今宣州縣故城在縣東。有涇水出。燕湖。因水立名。所連及死徙者數十人。是歲。齊王石薨。

十四年。春三月甲戌。司徒虞延免。自殺。夏四月丁巳。鉅鹿太守南陽邢穆為司徒。穆字毅。公宛人。前楚王英自殺。夏五月。封故廣陵王

荆子元壽為廣陵侯。初作壽陵。十五年。春二月庚子。東巡狩。辛丑。幸偃師。詔亡命自殊死以下贖死罪。緣四十四匹。右趾至髡。鉗城旦舂。十匹。完城旦。至司寇作

五匹。犯罪未發覺。詔書到日自告者。半入贖。徵沛王輔。會睢陽進幸彭城。癸亥。帝耕于下邳。三月。徵琅邪王京。會良成。良成縣名。屬東

海。故城在今泗州下邳縣北。徵東平王蒼。會陽都。陽都縣名。屬琅邪郡。故城在今沂州沂水縣南。又徵廣陵侯及其三弟。會魯祠東海恭王陵。還幸孔子宅祠仲尼及七十

二弟子。親御講堂。孔子宅在今兗州曲阜縣故魯城中。歸德門內。闕里之中。背帝時升廟立。群臣中庭北面。皆再拜。帝進爵而後坐。命皇太子諸王說經。又幸東平。東平國名。故城在今鄆州

東辛卯。進幸大梁。大梁城。魏惠王所築。故城在今汴州。至定陶祠定陶恭王陵。恭王元帝子康

夏四月庚子。車駕還宮。改信都為樂成國。臨淮為下邳國。封皇子恭為鉅鹿王。黨為樂成王。衍為下邳王。暢為汝南王。炳為常

山王。長為濟陰王。濟陰郡。今曹州。賜天下男子爵人三級。郎從官二十歲已上。帛百匹。十歲已上。二十匹。十歲已下。十匹。官府吏。五匹。

書佐小史。三四。令天下大酺五日。前書音義曰。漢律。三人已上。無故群飲。罰金四兩。今恩詔。橫賜。得令聚會飲食。五日。酺布也。言天子布恩於天下。史記。趙惠文王三年。大赦置酒。大酺五日。○劉攽曰。正文從官二十歲以上。又云。十歲以下。案郎從官不可年十歲以下者。以十七年事校

之。脫視事二字。乙巳。大赦天下。其謀反大逆。及諸不應宥者。皆赦除之。

冬。車騎校獵上林苑。周禮。校人掌王田獵之馬。故曰校獵。謂以木相貫穿為欄。校以遮禽獸。十二月。遣奉車都尉竇固。駙馬都尉耿秉。屯涼州。前書曰。奉車都尉掌乘輿。駙馬都尉掌天子之副馬。駙副也。並武帝

置秩二千石。十六年。春二月。遣太僕祭彤出高闕。高闕山名。因以名塞。在朔方北。奉車都尉竇固出酒泉。駙馬都尉耿秉出居延。本匈奴地名也。武帝因以名縣。屬張掖郡。在今甘肅張掖縣東北。駙

都尉來苗出平城伐北匈奴寶固破呼衍王於天山呼衍匈奴王號天山即祁連山一名雪山今名折羅漢山在伊州北祁音時

置宜禾都尉以為屯田今伊州細留兵屯伊吾盧城

耿秉來苗祭彤並無功而還夏五月淮陽王延謀反發

覺癸丑司徒邢穆駙馬都尉韓光坐事下獄死所連及誅死者

甚眾坐與延同謀戊午晦日有食之六月丙寅大司農西河王敏為

司徒漢官儀曰敏字叔公并州隰城人也秋七月淮陽王延徙封阜陵王阜陵縣名屬九江郡故城在今滁州全椒縣南

九月丁卯詔令郡國中都官死罪繫囚減死罪一等勿

答詣軍營屯朔方敦煌妻子自隨父母同產欲求從者恣聽之

女子嫁為人妻勿與俱謀反大逆無道不用此書是歲北匈奴

寇雲中雲中太守廉范擊破之

十七年春正月甘露降於甘陵北海王睦薨二月乙巳司徒王

敏薨三月癸丑汝南太守鮑昱為司徒是歲甘露仍降樹枝內

附仍頻也內附謂木連理也前書終軍曰衆枝內附是無外也芝草生殿前神雀五色翔集京師西

南夷哀牢僭耳僬僥槃木白狼動黏諸種前後慕義貢獻山海經曰

周饒國在三首國東為人短小冠帶一名僬僥國語曰僬僥氏三尺短之至也揚浮異物志曰僭耳南方夷生則鑿其頰皮連耳匡分為數支狀如雞腸繫鼻下垂至肩

西域諸國遣子入侍夏五月戊子公卿百官以帝威德懷遠祥

物顯應乃並集朝堂奉觴上壽壽者人之所欲故卑下奉賜進酒皆言上壽制曰天生神

物以應王者遠人慕化實由有德朕以虛薄何以享斯唯高祖

光武聖德所被不敢有辭其敬舉觴太常擇吉日策告宗廟其

賜天下男子爵人二級三老孝悌力田人三級流人無名數欲

占者人一級鰥寡孤獨篤癯貧不能自存者粟人三斛郎從官

視事十歲以上者帛十四疋中二千石二千石下至黃綬劉敞曰案文既云

中二千石下至黃綬不須更比二千石明多此三字貶秩奉贖在去年以來皆還贖秋八月丙

寅令武威張掖酒泉敦煌張掖郡故匈奴昆邪王地也漢官儀曰張國臂掖故曰張掖故城在今甘肅張掖縣西北及

張掖屬國繫囚右趾已下任兵者任堪皆一切勿治其罪詣軍

營冬十一月遣奉車都尉竇固駙馬都尉耿秉騎都尉劉張出

敦煌昆侖塞

昆侖山名。因以為塞。在今肅州酒泉縣西南。山有石室。王母臺。擊破白

山虜於蒲類海上。遂入車師。

西河舊事曰。白山冬夏有雪。故曰白山。匈奴謂之天山。過之皆下馬拜焉。去蒲類海百里。

之初置西域都護。戊己校尉。

宣帝初置鄯吉為都護。三十六國秩比二千石。元帝置戊己校尉。有丞司馬各一人。秩

比六百石。戊己中央也。鎮覆四方。見漢官儀。亦處西域。鎮撫諸國。

是歲改天水為漢陽郡。

十八年春三月丁亥。詔曰。其令天下亡命自殊死已下。贖死罪

緣三十匹。右趾至髡。鉗城旦春。十匹。完城旦。至司寇。作五匹。吏

人犯罪未發覺。詔書到自告者。半入贖。夏四月己未。詔曰。自春

以來。時雨不降。宿麥傷旱。秋種未下。政失厥中。憂懼而已。其賜

天下男子爵人二級。及流民無名數。○劉攽曰。及流民。無名數。多一及字。欲占者。人

一級。鰥寡孤獨。篤癯貧不能自存者。粟人三斛。理冤獄。錄輕繫

二千石分禱五岳四瀆。郡界有名山大川。能興雲致雨者。周禮

氏掌天下之地。揚州其山曰會稽。其川曰三江。荊州其山曰衡山。其川曰江漢。豫州其山曰華山。其川曰滎洛。青州其山曰沂山。其川曰淮泗。兗州其山曰岱山。其川曰河海。齊州其山曰嶽。其川曰涇。汴。幽州其山曰醫無閭。其川曰河滹。冀州其山曰霍。其川曰漳。并州其山曰恒。其川曰滹沱。此謂九州名山大川也。長吏各絜

齋禱。請冀蒙嘉澍。說文曰。時雨所以潤生萬物。淮南子曰。春雨之澆萬物。無地不潤。無物不生。澍音之。成反。六月己未。

有星孛於太微。焉者龜茲攻西域。都護陳睦悉沒其眾。北匈奴

及車師後王圍戊己校尉耿恭。○劉攽曰。檢詳耿恭傳。恭作戊。按此不合。有己字也。秋八月壬

子。帝崩於東宮前殿。年四十八。遺詔無起寢廟。藏主於光烈皇

后更衣別室。禮藏主於廟。既不起寢廟。故藏於后之更衣別室。更易也。帝初作壽陵。制令流水而

已。石椁廣一丈二尺。長二丈五尺。無得起墳。東觀記曰。陵東北作廡。長三丈五步。外為小廚。說文

財足祠祀。○劉攽曰。註案三丈五步。不成文理。當作五尺。過百日。唯四時設奠。置吏卒數人。供給灑掃。

勿開修道。敢有所興作者。以擅議宗廟法從事。前書曰。擅議宗廟者。棄市。帝遵

奉建武制度。無敢違者。後官之家。不得封侯與政。東觀記曰。光武

大盛。外戚與政。上濁。明主下危。臣子右族。陰郭之家。不過九卿。親屬榮位。不能及。許史王氏之半耳。○劉攽曰。注上濁。明主案。文當作上濁。主明。館陶公

主。光武為子求郎。不許。而賜錢千萬。謂羣臣曰。郎官上應列宿。

出宰百里。史記曰。太微宮後二十五星。郎位也。苟非其人。則民受其殃。是以難之。故

吏稱其官。民安其業。遠近肅服。戶口滋殖焉。

論曰。明帝善刑理。法令分明。日晏坐朝。幽枉必達。內外無倖曲

之私。在上無矜大之色。斷獄得情。號居前代十二。十斷其二。言少刑也。故

後之言事者。莫不先建武永平之政。而鍾離意宋均之徒。常以

察慧為言。並見本傳。夫豈弘人之度。未優乎。

贊曰。顯宗丕承。業業兢兢。危心恭德。政察姦勝。危心言常危懼。姦勝猶勝奸佞。備

章朝物。省薄墳陵。朝物謂朝儀文物也。永懷廢典。下身遵道。廢典謂明堂辟雍之禮。歷於漢不行。

下身謂進爵授綬之類。登臺觀雲。臨雍拜老。懋惟帝績。增光文考。懋勉也。書曰。惟我文考。

海于四

後漢書帝紀第二

後漢書帝紀第三

宋 宣城太守范曄 撰

唐 章懷太子 賢 註

章帝紀第三

肅宗孝章皇帝諱炟。顯宗第五子也。諡法曰。溫克令備曰章。伏侯古。今注曰。炟之字曰著。音丁達反。

買貴人。永平三年。立為皇太子。少寬容好儒術。顯宗器重之。十

八年。八月壬子。即皇帝位。年十九。尊皇后曰皇太后。壬戌。葬孝

明皇帝于顯節陵。帝王紀曰。顯節陵方三百步。高八丈。其地故富壽亭也。西北去洛陽三十七里。冬十月丁未。

大赦天下。賜民爵人二級。為父後。及孝悌力田人三級。脫無名

數。及流人欲占者。人一級。爵過公乘。得移與子。若同產子。鰥寡

孤獨。篤癯貧不能自存者。粟人二斛。詔曰。朕以眇身。託于王侯

之上。統理萬機。懼失厥中。兢兢業業。未知所濟。深惟守文之主。

必建師傅之官。詩不云乎。不愆不忘。率由舊章。詩大雅也。鄭玄注云。愆過也。率循也。由用

也言成王之令德不過誤不違失 行太尉事節鄉侯憲三世在位為國

皆循用舊典文章謂周公之禮法 元老 趙憲光武時為太尉明帝時行太尉事 司空融 融 典職六年勤

勞不怠其以憲為太傅融為太尉並錄尚書事 武帝初以張子孺

事由 三事大夫莫肯夙夜小雅之所傷也 詩兩無正之文也三事三公

及諸侯隨而行者皆無復 予違汝弼汝無面從 尚書益稷之文也孔安國注

君臣之禮不肯晨夜省王 無面 股肱之正義也羣后百僚勉思厥職各貢忠誠以輔不逮

申勅四方稱朕意焉十一月戊戌蜀郡太守第五倫為司空詔

征西將軍耿秉屯酒泉 酒泉今肅州縣也前書音義曰城 遣酒泉太守

段彭勅戊己校尉耿恭甲辰晦日有食之於是避正殿寢兵不

聽事五日詔有司各上封事十二月癸巳有司奏言孝明皇帝

聖德淳茂勅勞日昃身御浣衣 日昃日映尚書曰文王自 食無兼珍

澤臻四表 尚書曰光 遠人慕化僬僥備耳歛塞自至 歛和僬僥備

克伐鬼方開道西域 鬼方遠方易曰高宗 威靈廣被無思不服以

烝庶為憂不以天下為樂備三雍之教躬養老之禮作登歌正

雅樂博貫六藝 周禮保氏教之六藝一曰禮二曰樂三曰射四曰數五曰書六

深幽耳 劉攽曰注前書藝文志曰以禮樂春秋易詩書為六藝博貫謂究極

九天開明受用詞典十代以光又括地 象曰十代禮樂文雅並出謂明帝也 至德所感通於神明功烈光于四

海仁風行於千載而深執謙謙自稱不德無起寢廟埽地而祭

除日祀之法 春秋外傳曰日祭月祀時享祖禰則日祭高曾則月祀三禘則時

古但有二禘無 三禘明三字誤 省送終之禮遂藏主於光烈皇后更衣別室天下

聞之莫不悽愴陛下至孝烝烝奉順聖德臣愚以為更衣在中

門之外處所殊別宜尊廟曰顯宗其四時禘祫於光武之堂開

祀悉還更衣 續漢書曰五年再殷祭三年一禘五年一禘父為昭南向子為穆北

合也冬十月五穀成故骨肉合飲食於祖廟謂之殷祭四時正祭外有五月嘗麥三伏

立秋嘗黍盛耐十月嘗稻等謂之問祀即各於更衣之殿更衣者非正處也園中有復

有便殿復者陵上正殿便殿復側之別殿即更衣也 劉攽曰注立秋嘗黍 共進

盛耐案漢制立秋嘗黍稷也八月飲耐此文誤出一盛字少八月飲三字 武德之舞如孝文皇帝祫祭高廟故事 前書高廟奏武德 制曰可

文始五行之舞

是歲牛疫京師及三州大旱詔勿收兗豫徐州田租芻粟其以見穀賑給貧人○劉放曰案詔無它語不當有其字

建初元年春正月詔三州郡國方春東作恐人稍受廩往來煩劇或妨耕農○虞給也稍為少給之不頓與其各實竅尤貧者計所貸

并與之并音必政反流人欲歸本者郡縣其實稟令足還到聽過止

官亭無雇舍宿長吏親躬無使貧弱遺脫小吏豪右得容姦妄

前書曰百石以下有斗食佐吏之秩言小吏也詔書既下勿得稽留刺史明加督察尤無狀

者無狀謂其罪惡尤大其狀無可寄言故云無狀它皆類此丙寅詔曰比年牛多疾疫墾田減少

穀價頗貴人以流亡方春東作宜及時務二千石勉勸農桑弘

致勞來群公庶尹各推精誠專急人事罪非殊死須立秋案驗

有司明慎選舉進柔良退貪猾順時令理冤獄五教在寬帝典

所美五教謂父義母慈兄友弟恭子孝也尚書舜典曰汝作司徒敬敷五教在寬愷悌君子大雅所歎愷樂悌易也詩大雅

君酌篇曰愷悌君子民之父母布告天下使明知朕意酒泉太守段彭討擊車師

大破之罷戊己校尉官二月武陵澧中蠻叛武陵郡今澧州水經曰澧水出武陵充縣西歷

山之北也三月甲寅山陽東平地震己巳詔曰朕以無德奉承大業

夙夜慄慄不敢荒寧孔安國注尚書曰不敢荒怠自安寧而災異仍見與政相應朕

既不明涉道日寡又選舉乖實俗吏傷人官職耗亂刑罰不中

可不憂與昔仲弓季氏之家臣子游武城之小宰孔子猶誨以

賢才問以得人論語仲弓為季氏宰問政子曰敎小過舉賢才子游為武城宰孔子謂之曰汝得人焉爾乎明政無大

小以得人為本夫鄉舉里選必累功勞今刺史守相不明真偽

茂才孝廉歲以百數既非能顯而當授之政事甚無謂也每尋

前世舉人貢士或起訕訛不繫閱閣說文曰剛田中之溝音工犬反史記曰明其等曰閱積其功曰閱言

前代舉人務取賢才不拘門地敷奏以言則文章可採明試以功則政有異迹敷

奏進也今各陳進其言則知其能否也尚書曰敷奏以言明試以功之類文質彬彬朕甚嘉之彬彬雜半之貌其令太

傅三公中二千石二千石郡國守相舉賢良方正能直言極諫

之士各一人夏五月辛酉初舉孝廉郎中寬博有謀任典城者

以補長相

任堪使也與主也長相謂縣長相謂侯相

秋七月辛亥詔以上林池鑿田賦與

貧人

鑿禁苑也音語前書音義曰折竹以繩懸連之使人不得往來謂之鑿

八月庚寅有星孛于天市

史記曰房為天駟東北曲十二星曰旗旗中四星為天市

九月永昌哀牢夷叛冬十月武陵郡兵討叛

蠻破降之十一月阜陵王延謀反貶為阜陵侯

二年春三月辛丑詔曰比年陰陽不調飢饉屢臻深惟先帝憂

人之本

本謂稼穡

詔書曰不傷財不害人誠欲元元去末歸本而今

貴戚近親奢縱無度嫁娶送終尤為僭侈有司廢典莫肯舉察

春秋之義以貴理賤今自三公並宜明糾非法宜振威風朕在

弱冠未知稼穡之艱難區區管窺豈能照一隅哉

史記扁鵲曰以管窺天以塵視文

其科條制度所宜施行在事者備為之禁先京師而後諸夏

傳曰春秋內中國而外諸夏內諸侯而外夷狄王者欲一乎天下曷以內外之辭言自近者始也

字甲辰罷伊吾盧屯兵永昌越雋益州三郡民夷討哀

牢破平之夏四月戊子詔還坐楚淮陽事徙者四百餘家令歸

本郡癸巳詔齊相省冰紉方空穀吹綸絮

紉素也冰言色鮮潔如冰釋名曰穀紗也方空者紗

薄如空也或曰空孔也即今之方目紗也綸似絮而細吹者言吹噓可成亦紗也前書曰齊有三服官故詔齊相罷之

六月燒當羌叛金城太守郝崇討之敗績羌遂寇漢陽秋八月遣行車騎將軍馬

防討平之十二月戊寅有星孛于紫宮

三年春正月己酉宗祀明堂禮畢登靈臺望雲物大赦天下三

月癸巳立貴人竇氏為皇后賜爵人二級三老孝悌力田人三

級民無名數及流民欲占者人一級鰥寡孤獨篤癯貧不能自

存者粟人五斛夏四月己巳罷常山呼沱石白河漕

石白河名也在今定州唐

縣東北時鄧訓上言此漕難成遂罷之漕水運也音才到反

行車騎將軍馬防破燒當羌於臨洮

姑墨西域國名去長安八

縣名屬隴西郡即今岷山之州

閏月西域假司馬班超擊姑墨大破之

姑墨西域國名去長安八

千一百

冬十二月丁酉以馬防為車騎將軍武陵漢中蠻叛

名音莫滌出今澧州崇義縣西北山

是歲零陵獻芝草

四年春二月庚寅太尉牟融薨夏四月戊子立皇子慶為皇太

子賜爵人二級。三老孝悌力田人三級。民無名數。及流人欲自
占者人一級。鰥寡孤獨篤癯貧不能自存者粟人五斛。己丑。徙
鉅鹿王恭為江陵王。汝南王暢為梁王。常山王昞為淮陽王。辛
卯。封皇子伉為千乘王。伉音抗全為平春王。平春縣屬江夏郡五月丙辰

車騎將軍馬防罷。甲戌。司徒鮑昱為太尉。南陽太守桓虞為司
徒。虞字仲春六月癸丑。皇太后馬氏崩。秋七月壬戌。葬明德皇
太后。劉攽曰案陰后不稱太則此太衍字也冬。牛大疫。十一月壬戌。詔曰。蓋三代導

人。教學為本。前書曰三代之道鄉里有教。夏曰教。殷曰庠。周曰序。劉攽曰夏曰教。教當作校。漢承暴秦。褒顯儒
術。建立五經。為置博士。其後學者精進。雖曰承師。亦別名家。雖言

承一師之業。其後編類而長。更為章句。則別為一家之學。孝宣皇帝以去聖久遠。學不厭博。故遂立
大小夏侯尚書。後又立京氏易。大小夏侯謂夏侯勝從京氏建也。京氏京房也。至建武中。

復置顏氏嚴氏春秋。大小戴禮博士。嚴氏謂嚴彭祖。顏氏謂顏安樂。大小戴戴德戴聖也。此皆
所以扶進微學。尊廣道藝也。中元元年詔書。五經章句煩多。議

欲減省。至永平元年。長水校尉儵儵樊奏言。先帝大業當以時施
行。欲使諸儒共正經義。令學者得以自助。孔子曰。學之不講。是
吾憂也。又曰。博學而篤志。切問而近思。仁在其中矣。論語文也。講猶習也。篤厚

也。志記也。言人能博涉學而後識之。切問於己所未悟之事。近思己所能及之事。好學亦仁之一分。故仁在其中矣。於戲其勉之哉。於是
下太常將大夫博士議郎郎官。博士屬太常。故云下。及諸生諸儒。會白虎

觀講議五經同異。使五官中郎將魏應承制問。續漢志曰。五官中郎將比二千石。

侍中淳于恭奏。帝親稱制臨決。如孝宣甘露石渠故事。前書甘露二年詔諸儒講五經異同。蕭望之等平奏其議。上親制臨決焉。又白。施讎甘露中。論五經於石渠閣。三輔故事曰。石渠閣在未央殿北。藏秘書之所。作白虎議奏。今白。虎通。是歲。甘露降。泉陵洮陽二縣。二縣屬零陵郡。泉陵城在今永州零陵縣北。洮陽故城在今湘源縣西北。

五年。春二月庚辰朔。日有食之。詔曰。朕新離供養。去年馬太后崩。愆咎

眾著。上天降異。大變隨之。詩不云乎。亦孔之醜。詩小雅曰。朔日辛卯。醜惡也。又久旱傷麥。憂心慘切。公卿已下。其舉直言。極諫能指

朕過失者各一人。遣詣公車。將親覽問焉。其以巖穴為先。勿取

浮華

前書鄒陽曰顯殿穴之士

甲申詔曰春秋書無麥苗重之也

春秋莊公七年秋大水無

麥苗公羊傳曰一災不書待無麥然後書無苗何休注曰不書穀至麥苗獨書人食最重也

去秋雨澤不適今時復旱

如炎如焚

炎焚言氣甚韓詩旱魃為虐如炎如焚

凶年無時而為備未至朕之不德

上累三光震慄切切痛心疾首

切音刀詩曰憂心切又曰疾如疾首

前代聖君博思

咨諏

咨諏謀也音子余反

雖降災咎輒有開匪反風之應

武王有疾周公作請命之書藏於金匱後

管蔡流言成王疑周公天乃大風禾木盡偃成王啓金匱得書乃郊天謝過天乃反風起禾事見尙書

今予小子徒慘慘而已

其令二千石理冤獄錄輕繫禱五嶽四瀆及名山能興雲致雨

者冀蒙不崇朝徧雨天下之報尙書大傳曰五嶽皆觸石出雲務加肅

敬焉三月甲寅詔曰孔子曰刑罰不中則人無所措手足今吏

多不良擅行喜怒或案不以罪迫脅無辜致令自殺者一歲且

多於斷獄甚非為人父母之意也書曰元后有司其議糾舉之荆

豫諸郡兵破討武陵漢中叛蠻夏五月辛亥詔曰朕思遲直士

側席異聞遲猶希望也音持二反側席謂不正坐所以待賢良也

其先至者各以發憤吐瀉略

聞予大夫之志矣皆欲置於左右顧問省納建武詔書又曰堯

試臣以職不直以言語筆札書舜典曰朕其試哉又曰歷試諸難札簡也今外官多曠並

可以補任戊辰太傅趙憙薨冬始行月令迎氣樂

東觀記曰馬防上言聖人作樂

所以宜氣致和順陰陽也臣愚以為可因歲首發太孫之律奏雅頌之音以迎和氣時以作樂器費多遂獨行十月迎氣樂也

是歲零陵獻芝

草有八黃龍見於泉陵

伏侯古今注曰見零陵泉陵相水中相與戲其二大如馬有角六枚大如駒無角

西域

假司馬班超擊疏勒破之

六年春二月辛卯琅邪王京薨夏五月辛酉趙王盱薨六月丙

辰太尉鮑昱薨辛未晦日有食之秋七月癸巳以大司農鄧彪

為太尉

七年春正月沛王輔濟南王康東平王蒼中山王焉東海王政

琅邪王宇來朝夏六月甲寅廢皇太子慶為清河王立皇子肇

為皇太子己未徙廣平王羨為西平王秋八月飲酎高廟禘祭

光武皇帝孝明皇帝

前書高廟飲酎奏武德五行之舞音義云正月且作酒八月成名曰酎酎者言醇也武帝時因八月嘗酎令諸侯出

金助祭所謂耐金也丁孚漢儀式曰九真交趾日南者用犀角二長九甲辰詔書云

寸若璫甲一爵林用象牙一長三尺已上若擊羽各二十準以當金甲辰詔書云

○劉攽曰按祖考來假明哲之祀假音格格至也尚書夔曰於予擊石拊石搏拊琴瑟以詠祖考來格言明哲祭祀則能致

神考之予末小子質又菲薄仰惟先帝烝烝之情前修禘祭以盡

孝敬朕得識昭穆之序寄遠祖之思今年大禮復舉加以先帝

之坐言顯宗神坐今新加之悲傷感懷樂以迎來哀以送往雖祭亡如在而

空虛不知所裁庶或饗之豈亡克慎肅雍之臣辟公之相肅敬

相助也詩大雅曰有來雍雍至止肅肅相維辟公天子皆助朕之依依依依

穆穆言百辟諸侯來助祭皆有肅雍之德無懈慢也

意之今賜公錢四十萬卿半之及百官執事各有差九月甲戌幸

偃師東涉卷津卷縣名屬河南郡也○卷音丘權反至河內下詔曰車駕行秋稼觀

收穫因涉郡界皆精騎輕行無它輜重不得輒脩橋道遠離城

郭遣吏逢迎刺探起居刺探謂候伺也○探音湯掘反出入前後以為煩擾動務

省約但患不能脫粟瓢飲耳晏子相齊食脫粟之飯孔子曰顏回一瓢飲所過欲令貧弱

有利無違詔書遂覽淇園前書音義曰淇園衛之苑也己酉進幸鄴勞饗魏郡

守令已下至于三老門闕走卒賜錢各有差勞賜常山趙國吏

人復元氏租賦三歲辛卯車駕還宮詔天下繫囚減死一等勿

答詣邊戍妻子自隨占著所在父母同產欲相從者悉聽之有

不到者皆以乏軍興論軍興而致闕及犯殊死一切募下蠶室其

女子官繫囚鬼薪白粲已上前書曰鬼薪白粲已上皆三歲刑也男子為鬼

然皆減本罪名一等輸司寇作亡命贖死罪入綠二十四右趾

至髡鉗城旦舂十四完城旦至司寇三匹吏人有罪未發覺詔

書到自告者半入贖冬十月癸丑西巡狩幸長安丙辰祠高廟

遂有事十一陵遣使者祠太上皇於萬年太上皇高祖父也名熹音

圖曰高祖初都洛陽太上皇崩葬櫟陽北原陵號萬年仍令置萬年縣在今櫟陽東北故祭祀焉以中牢祠蕭何霍光進幸

槐里岐山得銅器形似酒罇獻之又獲白鹿帝曰上無明天子

下無賢方伯已見明帝紀人之無良相怨一方詩小雅也良善也言王者

一方而怨之斯器亦曷為來哉公羊傳曰孔子抱麟而泣又幸長平御

義見韓詩

後漢書紀卷三

後漢書紀卷三

池陽宮

前書音義曰長平坂在池陽南有長平觀去長安五十餘里

東至高陵造舟於涇而還

至造

也謂次比舟相至為橋而度也爾雅曰天子造舟諸侯維舟大夫方舟士特舟

每所到幸輒會郡縣吏人勞賜

作樂十一月詔勞賜河東守令掾以下十二月丁亥車駕還宮

是歲京師及郡國螟

八年春正月壬辰東平王蒼薨三月辛卯葬東平憲王賜鑾輅

龍旂夏六月北匈奴大人率眾款塞降冬十二月甲午東巡狩

幸陳留梁國淮陽潁陽戊申車駕還宮詔曰五經剖判去聖彌

遠章句遺辭乖疑難正恐先師微言將遂廢絕非所以重稽古

求道真也其令羣儒選高才生受學左氏穀梁春秋古文尚書

毛詩以扶微學廣異義焉是歲京師及郡國螟

元和元年春正月中山王焉來朝日南徼外蠻夷獻生犀白雉

劉欣明交州記曰犀其毛如豕蹠有三甲頭如馬有三角鼻上角短額上頭上角長異物志曰角中特有光耀白理如綫自本達末則為通天犀

閏月辛

丑濟陰王長薨二月甲戌詔曰王者八政以食為本

尚書洪範八政一曰食是

本為政故古者急耕稼之業致耒耜之勤耒耜農器也耒其柄耜其刃節用儲蓄

以備凶災是以歲雖一登而人無飢色自牛疫已來穀食連少

良由吏教未至刺史二千石不以爲負負猶憂也其令郡國募人無

田欲徙它界就饒者悉聽之到在所賜給公田爲雇耕備貸種

餉餉糧也古餉字音式上反費與田器勿收租五歲除算三年其後欲還本鄉

者勿禁夏四月己卯分東平國封憲王蒼子尙爲任城王六月

辛酉沛王輔薨秋七月丁未詔曰律去掠者唯得榜笞立書韻

掠問也廣雅曰榜擊也音彭說文曰笞擊也立謂立而榜訊之又令丙筵長短有數丙爲篇之次也前書晉

乙令丙又景帝京師定筵令筵長五尺本大一寸其竹也末薄半寸其平去節故云長短有數也劉放曰注景帝京師定筵令案景帝定令行於天下不止京師京師衍字

也蓋景似京師似帝因爾誤出自往者大獄已來掠考多酷大獄謂楚王英鉗鑽之屬等事也鉗音其

廉反說文曰鉗鉗也國語曰中刑用鑽鑿皆謂慘酷其肌膚也慘苦無極念其痛毒怵然動心書曰鞭

作官刑豈云若此孔安國注尙書曰以鞭爲理官事之刑宜及秋冬理獄明爲其禁八

月甲子太尉鄧彪罷大司農鄭弘爲太尉癸酉詔曰朕道化不

後漢書紀卷三

章帝

八

後漢書紀卷三

章帝

八

後漢書紀卷三

章帝

八

後漢書紀卷三

章帝

八

德。吏政失和。元元未諭。抵罪於下。寇賊爭心不息。邊野邑屋不

修修或作充。永惟庶事。思稽厥衷。與凡百君子。共弘斯道。中心悠悠。

將何以寄。其改建初九年。為元和元年。郡國中都官繫囚。減死

一等。勿答。詣邊縣。妻子自隨。占著在所。其犯殊死。一切募下蠶

室。其女子官。繫囚。鬼薪白粲以上。皆減本罪一等。輸司寇。作亡

命者。贖各有差。丁酉。南巡狩。詔所經道上郡縣。無得設儲峙。儲積

也。時具也。言不預有蓄備。命司空自將。徒支柱橋梁。柱音竹。主反。有遣使奉迎。探知

起居。二千石當坐。其賜鰥寡。孤獨不能自存者。粟人五斛。九月

乙未。東平王忠薨。辛丑。幸章陵祠。舊宅園廟。見宗室故人。賞賜

各有差。冬十月乙未。進幸江陵。詔廬江太守祠南嶽。又詔長沙

零陵太守祠長沙定王。春。陵節侯鬱林府君還。幸宛。十一月己

丑。車駕還宮。賜從者各有差。十二月壬子。詔曰。書云。父不慈。子

不祇。兄不友。弟不恭。不相及也。祇敬也。左傳胥臣云。康誥曰。父不慈。子不

事同而文異。往者妖言大獄。所及廣遠。一人犯罪。禁至三屬。即三族也。謂父族母

族及妻族。莫得垂纓仕宦王朝。如有賢才。而沒齒無用。朕甚憐之。非

所謂與之更始也。諸以前妖惡禁錮者。一皆蠲除之。左傳曰。以重幣錮之。杜預

注曰。禁錮勿令仕也。以明棄咎之路。但不得在宿衛而已。

二年春正月乙酉。詔曰。令云。人有產子者。復勿筭三歲。今諸懷

妊者。說文曰。姓孕也。賜胎養穀人三斛。復其夫勿筭一歲。著以為令。又

詔三公曰。方春生養。萬物萃甲。前書音義曰。萃。葉裏白皮也。易曰。百果甲坼也。宜助萌陽。以

育時物。其令有司。罪非殊死。且勿案驗。及吏人條書相告。不得

聽受。條事條也。冀以息事寧人。敬奉天氣。立秋如故。夫俗吏矯飾外

貌。似是而非。揆之人事。則悅耳。論之陰陽。則傷化。朕甚饜之。甚

苦之。安靜之吏。悃悃無華。說文云。悃。悃至誠也。悃音苦。本反。悃音孚。通反。日計不足。月計有

餘。莊子曰。有庚桑子者。偏得老聃之道。以居。其壘之山。其壘之人。相與云。庚桑子之始來。吾酒然異之。今吾日計之不足。歲計之有餘。庶幾其聖人乎。如襄

城令劉方。方字伯况。平原人。吏人同聲謂之不煩。雖未有它異。斯亦殆近

後漢書紀卷三

後漢書卷三十一
禮儀志第十一

之矣。閒勅二千石。各尚寬明。而今富姦行賂於下。貪吏枉法於上。使有罪不論。而無過被刑。甚大逆也。夫以苛為察。以刻為明。以輕為德。以重為威。四者或興。則下有怨心。吾詔書數下。冠蓋接道。而吏不加理。人或失職。其咎安在。勉思舊令。稱朕意焉。二月甲寅。始用四分歷。續漢書曰。時待詔張盛京房鮑業等。以四分歷請與待詔楊岑等共課歲餘。盛等所中多四分。之歷始頗施行。詔曰。今山川鬼神應典禮者。尙未咸秩。咸皆也。秩序也。言山川之神尙未次序而祭之。書曰。咸秩無文。其議增修群祀。以祈豐年。丙辰。東巡狩。己未。鳳皇集肥城。肥城縣名。屬太山郡。故城在今濟州平陰縣東南。乙丑。帝耕於定陶。詔曰。三老尊年也。孝悌淑行也。力田勤勞也。國家甚休之。其賜帛人一匹。勉率農功。使使者祠唐堯成陽靈臺。成陽縣屬濟陰郡。郭緣生述征記曰。成陽縣東南有堯母慶都墓。上有祠廟。堯母陵俗亦名靈臺。大母。辛未。幸太山。柴告岱宗。有黃鸝三十。從西南來。經祠壇上。東北過于宮屋。翺翔升降。進幸奉高。壬申。宗祀五帝于汶上明堂。前書曰。汶南入名曰。豈崙。以拜祀上帝。於是上作明堂於汶上。如帶圖焉。汶水出太山。朱虛縣萊

燕 癸酉。告祠二祖四宗。二祖謂高祖世祖。四宗謂文帝為太宗。武帝為世宗。宣帝為中宗。明帝為顯宗。大會外

內羣臣。丙子。詔曰。朕巡狩岱宗。柴望山川。告祠明堂。以章先勳。東觀

其二王之後。禮記曰。存二王之後。尊賢不過二代。公羊傳曰。存二王之後。所以通三正也。漢之二王。殷周之後也。先聖之胤。東觀

記曰。孔子後褒成侯等咸來助祭。東后蕃衛。東后謂東方國君也。諸侯為天子蕃屏。故曰蕃衛。伯父伯兄仲叔季

弟。幼子童孫。尚書曰。刑文皆天子同姓諸侯。有天子蕃屏。故曰蕃衛。百僚從臣。宗室眾子。要

荒四裔。要荒二服名。要服去王城二千里。荒服去王城二千五百里。要者言可要。束以文教。荒者言其荒忽無常也。裔遠也。謂荒服之外也。沙漠之

北。葱嶺之西。西河舊事曰。葱嶺山名。在敦煌。冒衫之類。而字書曰。衫多須貌。音

面或曰。西域人多著昌而長。故舉以為言也。○劉攽曰。注跋涉懸度。草行曰。跋

左傳。子太叔曰。跋涉山川。西域傳曰。懸度者。石山也。漢陵踐阻絕。駿奔郊時

駿疾也。音俊。尚書。駿奔走在廟郊。時祭咸來助祭。祖宗功德。延及朕躬。予

一人空虛多疚。纂承尊明。疚病也。纂繼也。盥洗享薦。慙愧祗慄。詩不云

乎。君子如祉。亂庶遄已。詩小雅。遄速也。已止也。祉福也。鄭玄注云。福者福

賢者謂爵祿之也。如此則亂亦庶幾可疾止也。歷

數既從。靈耀著明。靈耀既從。謂行四分歷也。亦欲與士大夫同心自

亦欲與士大夫同心自

新其大赦天下。諸犯罪不當得赦者，皆除之。復博奉高歲，無出今年田租芻粟。戊寅，進幸濟南。濟南縣名，故城在今淄州長山縣西北。三月己丑，進

幸魯祠東海恭王陵。庚寅，祠孔子於闕里。及七十二弟子，賜褒成侯及諸孔男女帛。壬辰，進幸東平祠憲王陵。陵在今鄆州須昌縣東。甲午

遣使者祠定陶太后恭王陵。太后即元帝傅昭儀也。定陶恭王陵在今曹州濟陰縣北。乙未，幸東阿。北登太行山，至天井關。在今澤州晉城縣南，今太行山上，關南有天井泉一所也。夏四月乙巳，

客星入紫宮。乙卯，車駕還宮。庚申，假于祖禰。假至也。音格禰父。廟易曰：王假有廟。祠高廟。五月戊申，詔曰：乃者鳳皇黃龍鸞鳥比集七郡。孫柔之曰：鸞鳥者，赤神之精，鳳皇之佐，鸞身赤毛，色亦被五彩。鳴中五音，人君進退有度，親疏有序，則至也。比類也。或一郡再見，及白鳥神

雀甘露屢臻，祖宗舊事，或班恩施。武帝時芝草生于甘泉宮，宣帝時嘉穀玄稷降于郡國，神雀仍集，皆大赦天下。其賜天下吏爵人三級，高年鰥寡孤獨帛人一匹。經曰：無侮鰥

寡，惠此滎獨。加賜河南女子百戶牛酒。前書音義：蘇林曰：男賜爵，女子賜牛酒。姚察云：女子謂賜爵者之妻，史記封禪書：百戶牛一頭，酒十石，臣賢案此女子百戶，若是戶頭之妻，不得更稱爲戶，此謂女戶頭，即今之女戶也。天下稱慶，恩當普洽，所以男戶賜爵，女子賜牛酒。

令天下大酺五日。賜父卿已下錢帛，各有差。及洛陽人當酺者，布戶一匹，城外三戶共一匹。賜博士員弟子，見在大學者，布人

三匹。令郡國上明經者，口十萬以上五人，不滿十萬三人。改廩江爲六安國。江陵復爲南郡。四年改爲江陵，國今又復之。徙江陵王羨爲西平

王。秋七月庚子，詔曰：春秋於春每月書王者，重三正，慎三微也。三正謂天地人之正，所以有三者，由有三微之月，王者所以當奉而成之。禮記曰：正朔三而改，文質再而復。三微者，三正之始，萬物皆微，物色不同，故王者取法焉。十一月時陽氣始施於黃泉之下，色皆赤，赤者陽氣，故周爲天正，色尚赤。十二月萬物皆牙而色白，白者陰氣，故殷爲地正，色尚白。十三月萬物莖甲而出，其色皆黑，人得加功，展業，故夏爲人正，色尚黑。尚書大傳曰：夏十三月爲正，平旦爲朔，殷以十二月爲正，雞鳴爲朔。周以十一月爲正，夜半爲朔，必以三微之月爲正者，當爾之時，物皆尚微，王者授命當扶微理弱，奉成之義也。律十二月立春，不以報囚。

報猶論也。立春陽氣至，可以施生，故不論囚。月令冬至之後，有順陽助生之文。月令仲冬是月也，日短至，陰陽爭，諸生蕩，而無君子身欲寧，事欲靜，以待陰陽之所定也。鞠獄斷刑之政，朕咨訪儒雅，稽之典籍，以爲王者生殺宜順時

氣，其定律無以十一月十二月報囚。九月壬辰，詔鳳皇黃龍所見亭部，無出二年租賦。

東觀記曰：黃龍見肥城句渚亭槐樹上，古今注云：黃龍見洛陽元延亭部，麻音庚。加賜男

後漢書紀卷三

子爵人二級。先見者帛二十四。近者三匹。太守三十四。令長十

五匹。丞尉半之。詩云。雖無德與。汝式歌且舞。詩小雅也。取雖無大德。要有喜悅之心。欲歌舞

也。式。用也。它如賜爵故事。丙申。徵濟南王康。中山王焉。會烝祭。冬。十

一月壬辰。日南至。初開關梁。易曰。先王以至日閉關商旅不行。王弼注曰。冬至陰之復。夏至陽之復。故為復。即至於寂

然大靜。先王則天地而行者也。

三年春正月乙酉。詔曰。蓋君人者。視民如父母。有懼怛之憂。有

忠和之教。匍匐之救。周禮。鄉司徒以鄉三物教萬民。一曰六德。謂智。其嬰

兒無父母親屬。及有子不能養食者。粟給如律。丙申。北巡狩。濟

南王康。中山王焉。西平王羨。六安王恭。樂成王黨。淮陽王昺。任

城王尚。沛王定。皆從。辛丑。帝耕于懷。二月壬寅。告常山魏郡清

河。鉅鹿平原東平郡太守相曰。朕惟巡狩之制。以宣聲教。考同

遐邇。解釋結寃也。今四國無政。不用其良。詩小雅曰。日月告凶。不用其行。四國無政。不用其良。

言四方之國無政者。由天子不用善人也。駕言出游。欲親知其劇易。前祠園陵。遂望祀華

霍。華霍山名也。今在廬江壽縣西南。亦名天。往山爾雅曰。華山為西嶽。霍山為南嶽。東柴岱宗。為人祈福。今將禮

常山。遂徂北土。歷魏郡。經平原。升踐隄防。詢訪耆老。咸曰。往者

汴門未作。深者成淵。淺則泥塗。追惟先帝勤人之德。謂永平十二

底績遠圖。復禹弘業。尙書曰。覃懷底績。孔安國注云。底。置績功也。遠圖。猶長筭也。言能復禹為理水之大功。聖跡滂

流。至于海表。不克堂構。朕甚慙焉。尙書曰。若考作室。既底法。厥子乃不肯堂。明肯構。月令孟

春善相丘陵。土地所宜。月令孟春之月。善相丘陵。阪險原隰。土地所宜。五穀所殖。以教導人。必躬親之。田事既飭。今肥

田尚多。未有墾闢。其悉以賦貧民。給與糧種。務盡地力。勿令游

手。所過縣邑。聽半入。今年田租。以勸農夫之勞。乙丑。勅待御史

司空曰。方春所過。無得有所伐殺。車可以引避。引避之。駢馬可

輟解。輟解之。夾輟者為服馬。服馬外為駢馬。詩云。敦彼行葦。牛羊勿踐履。詩大雅文。鄭玄注曰。敦。敦然道旁之葦。牧牛羊者。無使踐履折傷之。况於人乎。禮人君伐一草木。不時。謂之不孝。禮記。孔子曰。伐一樹。殺一獸。不以其時。非孝也。

遣使者祠北嶽。出長城。史記。蒙恬為秦築長城。西自臨洮。東至海。癸酉。還幸元氏。祠光

光

光

光

光

光

光

光

光

光

光

光

光

光

光

武顯宗於縣舍正堂。明日。又祠顯宗于始生堂。皆奏樂。明帝生于常山元氏也。

三月丙子。詔高邑令祠光武。即位壇。復元氏七年徭役。已

卯。進幸趙庚辰祠。旁山於靈壽。靈壽縣名。屬常山郡。今恒州縣也。房山在

王母祠。辛卯。車駕還宮。賜從行者各有差。夏四月丙寅。太尉鄭弘

免。大司農宋由為太尉。由字叔路。長安人。五月丙子。司空第五倫罷。太

僕袁安為司空。秋八月乙丑。幸安邑觀鹽池。許慎云。河東鹽池。袤五

十六里。今蒲州虞鄉縣西。九月。至自安邑。冬十月。北海王基薨。燒當羌叛。寇隴

西。是歲。西域長史班超擊斬疏勒王。

章和元年。春三月。護羌校尉傅育追擊叛羌。戰歿。夏四月丙子。

令郡國中都官繫囚減死一等。詣金城戍。六月戊辰。司徒桓虞

免。癸卯。司空袁安為司徒。光祿勳任隗為司空。桓虞字仲春。馮翊萬

宛。秋七月癸卯。齊王晃有罪。貶為蕪湖侯。燕湖縣名。屬丹陽。故城在

子。淮陽王昺薨。鮮卑擊破北單于。斬之。燒當羌寇金城。護羌校

尉劉盱討之。斬其渠帥壬戌。詔曰。朕聞明君之德。啓迪鴻化。緝

熙康乂。光照六幽。緝熙。光明也。六幽。謂六合幽隱之處也。訖惟人面。靡不率俾。仁風翔

于海表。威靈行乎鬼區。鬼區。即鬼方。然後敬恭明祀。膺五福之慶。獲

來儀之貺。尙書。五福。一曰壽。二曰富。三曰康寧。四曰攸好德。五曰考終命。來儀。謂風也。書曰。鳳皇來儀。朕以不德。受祖

宗弘烈。乃者鳳皇仍集。麒麟並臻。甘露宵降。嘉穀滋生。芝草之

類。歲月不絕。朕夙夜祇畏上天。無以彰于先功。今改元和四年

為章和元年。秋令。是月。養衰老。授凡杖。行糜粥。給飲食。月令。仲秋之令。

其賜高年二人。共布帛各一匹。以為醴酪。死罪囚犯法。在丙子

赦前。而後捕繫者。皆減死勿答。詣金城戍。八月癸酉。南巡狩。壬

午。遣使者祠昭靈后於小黃園。小黃縣屬陳留郡。故城在今汴州陳留縣

小黃北。後為作園廟于小黃。柵陳留風俗。傳曰。沛公起兵。野戰。喪皇妣于黃鄉。天下平

定。仍使使者以梓宮招魂幽野。於是丹蛇在水。自洒濯之。入于梓宮。其浴處有遺髮。故

諡曰昭靈夫人。○劉放曰。注天下平定。仍使使者案。仍當作乃。仍者重復之辭。無用於此。甲申。徵任城王尚。會睢陽。戊

子。幸梁。己丑。遣使祠沛高原廟。豐枌榆社。前書音義曰。枌。白榆。高祖

里社在豐縣東北十五里。



原廟解見光武紀乙未幸沛祠獻王陵徵會東海王政乙未晦日有食之

九月庚子幸彭城東海王政沛王定任城王尙皆從辛亥幸壽

春壬子詔郡國中都官繫囚減死罪一等詣金城戍犯殊死者

一切募下蠶室其女子官繫囚鬼薪白粲已上減罪一等輸司

寇作亡命者贖死罪練二十四右趾至髡鉗城旦春七匹完城

旦至司寇三四吏民犯罪未發覺詔書到自告者半入贖復封

阜陵侯延為阜陵王己未幸汝陰縣名屬汝南郡今潁州縣冬十月丙子車駕

還宮北匈奴屋蘭儲等率眾降是歲西域長史班超擊莎車大

破之月氏國遣使獻扶拔師子扶拔似麟無角拔音步末反

二年春正月濟南王康阜陵王延中山王焉來朝壬辰帝崩於

章德前殿年三十三遺詔無起寢廟一如先帝法制

論曰魏文帝稱明帝察察章帝長者以上華章帝素知人厭明帝

苛切事從寬厚感陳寵之義除慘獄之科寵時為尙書以吏政嚴切乃上書除慘酷之科五十

餘條具本傳也深元元之愛著胎養之令元和二年令諸懷妊者賜穀人三斛奉承明德太后

盡心孝道割裂名都以崇建周親周至平徭簡賦而人賴其慶

又體之以忠恕文之以禮樂故乃蕃輔克諧群后德讓謂之長

者不亦宜乎在位十三年郡國所上符瑞合於圖書者數百千

所嗚呼懋哉懋美也

贊曰肅宗濟濟天性愷悌於穆后德諒惟淵體於穆歎美也尙書曰齊聖廣淵也左

右藝文斟酌律禮藝文謂諸儒講五經同異帝親稱制論決也律謂詔云立春不以報囚也禮謂脩禘禘登靈臺之屬思服帝

道弘此長懋儒館獻歌戎亭虛候獻歌謂崔駰游太學時上四巡等頌氣調時豫感平

人富

後漢書紀卷三
章帝

後漢書帝紀第三

後漢書帝紀第四

宋 宣城太守范曄撰
唐 章懷太子賢註

和殤帝紀

孝和皇帝諱肇 諡法曰不剛不柔曰和伏侯古今注曰肇之字曰和○肇音兆而帝諱不同蓋 肅宗第四子也。母梁貴人。為寶皇后所譖。憂卒。寶

后養帝。以為己子。建初七年。立為皇太子。章和二年。二月壬辰。即皇帝位。年十歲。尊皇后曰皇太后。太后臨朝。三月丁酉。改淮

陽為陳國 今陳州。楚郡為彭城國 今徐州。西平并汝南郡 西平縣故柏子國也在今

王。六安王恭為彭城王。癸卯。葬孝章皇帝于敬陵 在洛陽城東南。庚戌。皇太后詔曰。先帝以明聖。奉承祖宗。至德要

道。天下清靜。庶事咸寧。今皇帝以幼年。榮榮在疚 疚病也榮然在憂病之中也榮或

後漢書紀卷四

和帝

作嬖詩周頌云嬖嬖在疚

朕且佐助聽政。外有大國賢王。並為蕃屏。內有公卿大夫。統理本朝。恭己受成。夫何憂哉。孔子曰。舜何為哉。恭己正南面而已。尚書曰。予小子垂拱仰成。

然守文之際。必有內輔。以參聽斷。侍中憲。朕之元兄。行能兼備。忠孝尤篤。先帝所器。親受遺詔。當以舊典輔斯職焉。憲固執謙讓。節不可奪。今供養兩宮。兩宮謂帝宮太后宮。宿衛左右。厥事已重。亦不可復勞以政事。故太尉鄧彪。元功之族。三讓彌高。元功謂高密侯禹也。彪父邯中。

與初有功封鄆侯。父卒彪讓國異母弟。論語孔子曰。太伯三以天下讓。民無得而稱焉。鄆玄注云。太伯周大王之長子。欲讓其弟季歷。大王有疾。太伯因適吳。越採藥。大王薨而不返。季歷為喪主。一讓也。季歷赴之不來。奔喪。二讓也。終喪之後。遂斷髮。文身三讓也。彪讓封弟。故以比之。○音莫。其否反。海內歸仁。為群賢首。先帝褒表。欲以崇化。今彪聰明康彊。可謂老成黃耆矣。

老成言老而有成德也。詩大雅曰。雖為老成人。黃謂髮落更生黃者。耆亦老也。詩序曰。外尊事黃耆。其以彪為太傅。賜爵關內侯。錄尚書事。百官總己以聽。古者君在諒闇。百官總己之職事。以聽於冢宰。錄尚書事。則冢宰之任也。朕庶幾得專心內位。於戲群公。其勉率百僚。各修厥職。愛養元元。綏以中和。稱朕意焉。辛酉。有司上奏。孝章皇帝崇弘鴻業。德化普洽。垂意黎民。留念稼穡。文加殊俗。武暢方表。戒惟人面。無思不服。巍巍蕩蕩。莫與比隆。巍巍乎其有成功。蕩蕩乎人無能名焉。孔子美帝堯之詞。見論語。周頌曰。於穆清廟。肅雝顯相。清廟。文王廟也。於穆。歎美之詞。助祭者禮儀敬且和也。請上尊廟曰。肅宗。共進武德之舞。制曰可。癸亥。陳王羨。彭城王恭。樂成王黨。下邳王衍。梁王暢。始就國。建初二年。章帝不忍與諸王乖離。皆留京師。今遣之國。夏四月丙子。謁高廟。丁丑。謁世祖廟。戊寅。詔曰。昔孝武皇帝致誅胡越。故權收鹽鐵之利。武帝使子僅。東郭咸陽。乘傳舉行天下鹽鐵。作官府收利。私家更不得鑄鐵煮鹽。以奉師旅之費。自中興以來。匈奴未賓。永平末年。復修征伐。先帝即位。務休力役。然猶深思遠慮。安不忘危。探觀舊典。復收鹽鐵。欲以防備不虞。寧安邊境。而吏多不良。動失其便。以違上意。先帝恨之。故遣戒郡國罷鹽鐵之禁。縱民煮鑄。入稅縣官。如故事。前書音義曰。縣官謂天子。其申勅刺史二千石。奉順聖旨。勉弘德化。布告天下。使明知朕意。五月。京師旱。詔長樂少府桓郁。侍講禁中。長樂宮之少府也。郁。桓榮子也。冬十月乙亥。以侍中竇憲

長樂宮之少府也。郁。桓榮子也。冬十月乙亥。以侍中竇憲

長樂宮之少府也。郁。桓榮子也。冬十月乙亥。以侍中竇憲

為車騎將軍。伐北匈奴。安息國遣使獻師子。扶拔扶拔解見章帝紀

永元元年。春三月甲辰。初令郎官詔除者得占丞尉。以比秩為

真漢官儀曰羽林郎出補三百石丞尉自古丞尉小縣丞尉三百石其次四百石已足不當秩為真皆所以優之○劉攽曰案文云丞尉小縣三百石其次四百石已足不當

更有丞尉字夏六月。車騎將軍竇憲出雞鹿塞今在朔方靈澤縣北關

道西北出雞鹿塞○靈音羊主反度遼將軍鄧鴻出柁陽塞柁陽縣屬九原郡故城在今勝州銀城縣界○柁音

固南單于出滿夷谷滿夷谷關與北匈奴戰于稽落山。大破之。追至

和渠北。靺海竇憲遂登燕然山。刻石勒功而還。北單于遣弟右

溫禺鞮王○鞮音丁兮反奉奏貢獻。秋七月乙未。會稽山崩。閏月丙子

詔曰。匈奴背叛。為害久遠。賴祖宗之靈。師克有捷。醜虜破碎。遂

掃厥庭詩曰仍執醜虜庭謂單于所常居也役不再籍籍言不籍再舉萬里清蕩。非朕小子

眇身所能尅堪。有司其案舊典。告類薦功。以章休烈類祭天也書曰類于上帝

嚮。為車騎將軍。冬十月。令郡國弛刑輸作軍營。其徙出塞者劉

放曰案遷徙者不可投之塞外。明此徙字是徒字。刑雖未竟。皆免歸田里。庚子。阜陵王延薨。

是歲。郡國九大水。

二年。春正月丁丑。大赦天下。二月壬午晦。日有食之。東觀記曰史官不覺。涿郡

之。己亥。復置西河上郡。屬國都尉官。前書西河郡美稷縣上郡龜茲縣並有屬國都尉其秩比二千石十

三州志曰。與屬國武帝置。掌納匈奴降者。也。哀帝省。并大鴻臚。故今復置之。夏五月庚戌。分太山為濟北國。分

樂成。涿郡勃海為河閒國。丙辰。封皇帝弟壽為濟北王。開為河

閒王。淑為城陽王。紹封故淮陽王昺子側為帝山王。賜公卿已

下。至佐史錢布。各有差。己未。遣副校尉閻襲討北匈奴。取伊吾

廬地。丁卯。紹封故齊王昺子無忌為齊王。北海王陸子威為北

海王。車師前後王並遣子入侍。車師有後王前王。前王即後王之。其庭相去五百里。月氏國

遣兵攻西域長史班超。超擊降之。六月辛卯。中山王焉薨。秋七

月乙卯。大將軍竇憲出屯涼州。九月。北匈奴遣使稱臣。冬十月。

遣行中郎將班固報命。南單于遣左谷蠡王師子。左谷蠡匈奴王號師子其名也。

○谷音鹿 出雞鹿塞擊北匈奴於河雲北大破之

三年春正月甲子皇帝加元服元首也謂加冠於首儀禮冠者先筮日後筮實東觀記曰時太后詔袁安為賓賜東

馬帛乘賜諸侯王公將軍特進漢官儀曰諸侯功德優盛朝廷所敬異者賜位特進在三公下中二千

石列侯宗室子孫在京師奉朝請者黃金奉朝請無員三公外戚宗室諸侯多奉朝請漢律春曰朝

秋曰將大夫郎吏從官帛將謂五官及左右郎將也大夫謂光祿太中中散諫議大夫也十三州志曰大夫皆掌顧問應對言

能扶持君父也賜民爵及粟帛各有差大酺五日郡國中都官

繫囚死罪贖緣至司寇作及亡命各有差庚辰賜京師民酺布

兩戶共一匹二月大將軍竇憲遣左校尉耿夔出居延塞居延縣屬

張掖郡居延澤在東北武帝使伏波將軍路博德築遮虜障於居延城圍北單于於金微山大破之獲其

母閼氏閼氏匈奴后之號也音焉支夏六月辛卯尊太后母比陽公主東海恭王疆女

為長公主辛丑阜陵王种薨阜陵王延之子冬十月癸未行幸長安詔

曰北狄破滅名王仍降仍頻西域諸國納質內附豈非祖宗迪

哲重光之鴻烈歟迪蹈也言由祖宗蹈履明智有重光累聖之德成此大業也書曰茲四人迪哲又曰宜重光也寤寐歎

息想望舊京其賜所過二千石長吏以下及三老官屬錢帛各

有差鰥寡孤獨篤癯貧不能自存者粟人三斛十一月癸卯祠

高廟遂有事十一陵詔曰高祖功臣蕭曹為首有傳世不絕之

義曹相國後容城侯無嗣朕望長陵東門見二臣之壙東觀記曰蕭何墓在

長陵東司馬門道北百步廟記云曹參冢城長陵旁道北近蕭何冢循其遠節每有感焉忠義獲寵古今

所同可遣使者以中牢祠大鴻臚求近親宜為嗣者須景風紹

封以章厥功續漢志曰大鴻臚掌封拜諸侯及其嗣春秋考異郵曰夏至四十五日景風至則封有功也十二月復置

西域都護騎都尉戊己校尉官劉敞曰案西域傳此時但置戊校尉多一己字庚辰至自

長安減弛刑徒從駕者刑五月

四年春正月北匈奴右谷蠡王於除鞬自立為單于款塞乞降

於除鞬其名也遣大將軍左校尉耿夔授璽綬東觀記曰賜玉具劍初蓋車一駟中郎將持節

○鞬音九言反衛護三月癸丑司徒袁安薨閏月丁丑太常丁鴻為司徒夏四

月丙辰大將軍竇憲還至京師六月戊戌朔日有食之丙辰郡

後漢書紀卷四

和帝

一四

國十三地震。寶憲潛圖弑逆。庚申。幸北宮。詔收憲黨射擊校尉

郭璜。郭況子也。東觀記曰璜作璉音同。璜子侍中舉。衛尉鄧疊。疊弟步兵校尉

皆下獄死。使謁者僕射續漢書曰謁者僕射一人秩千石。為謁者臺率主謁者天子出奉引也。收憲大將

軍印綬。遣憲及弟篤景就國。到皆自殺。是夏旱蝗。秋七月己丑。

太尉宋由坐黨憲自殺。八月辛亥。司空任隗薨。任光子也。癸丑。大司

農尹睦為太尉。錄尚書事。錄謂總領之也。錄尚書自牟融始也。丁巳。賜公卿以下至

佐史錢穀各有差。冬十月己亥。宗正劉方為司空。十二月壬辰。

詔今年郡國秋稼為旱蝗所傷。其什四以上。勿收田租芻粟。有

不滿者。以實除之。所損十不滿四者以見損除也。武陵零陵澧中蠻叛。燒當羌寇

金城。

五年。春正月乙亥。宗祀五帝於明堂。遂登靈臺望雲物。大赦天

下。戊子。千乘王伉薨。辛卯。封皇弟萬歲為廣宗王。廣宗縣名。今具州宗城縣隋場

帝諱廣。故改為宗城。二月戊戌。詔有司省減內外廩。及梁州諸苑馬。說文曰廩馬舍也。漢

官儀曰。未央大廩。長樂承華等殿。令皆秩六百石。又云。牧師諸苑六十六所。分置西北邊。分養馬三十萬頭。自京師離官果園上林

廣成園。悉以假貧民。恣得采捕。不收其稅。丁未。詔曰。去年秋麥

入少。恐民食不足。其上尤貧。不能自給者。戶口人數。往者郡國

上貧民。以衣履釜鬻為贖。而豪右得其饒利。需音尋。方言曰。既自。而東謂之贖。貧人既計

釜。既以為資財。僮於役重。多即賣之。以避科稅。豪富之家。乘賤買。故得其饒利。詔書實賑。說文云。賑。考實事也。欲有以益之。

而長吏不能躬親。反更徵召會聚。令失農作。愁擾百姓。若復有

犯者。二千石先坐。甲寅。太傅鄧彪薨。戊午。隴西地震。三月戊子。

詔曰。選舉良才。為政之本。科別行能。必由鄉曲。周禮鄉大夫掌其鄉之政教。考其德行。察

其道藝三年。而舉賢能者於王。而郡國舉吏不加簡擇。故先帝明勅在所。令試之

以職。乃得充選。漢官儀曰。建初六年十二月己未。詔書辟士四科。一曰德行高。妙志節清白。二曰經明行修。能任博士。三曰明曉法律。足以決

疑。能案章覆問。文任御史。四曰剛毅多略。遭事不惑。明足照察。勇足決斷。才任三輔。令皆存孝悌。清公之行。自今以後。審四科辟召。及刺史二千石察舉。茂才尤異。孝廉廉吏。

務實。校試以職。有非其人。不習曹事。正舉者。故不以實法之也。又德行尤異。不須經職者。別署狀上。而

宣布以來。出入九年。二千石曾不承奉。恣心從好。司隸刺史訖

無糾察訖竟今新蒙赦令且復申勅後有犯者顯明其罰在位

不以選舉為憂督察不以發覺為負負亦憂也非獨州郡也是以庶

官多非其人下民被姦邪之傷由法不行故也庚寅遣使者分

行貧民舉實流冗冗散也流散者舉案其實而給之開倉賑粟三十餘郡夏四月

壬子封阜陵王种兄魴為阜陵王种無嗣故以魴襲也六月丁酉郡國三雨

雹東觀記曰大如鴈子秋九月辛酉廣宗王萬歲薨無子國除匈奴單于

於除韃叛遣中郎將任尙討滅之壬午令郡縣勸民蓄蔬食以

助五穀善積也其官有陂池令得采取勿收假稅二歲假猶租貸冬十

月辛未太尉尹睦薨漢官儀曰睦字伯師華人十一月乙丑太僕張酺為太尉

是歲武陵郡兵破叛蠻降之護羌校尉賈友討燒當羌羌乃遁

去南單于安國叛骨都侯喜斬之

六年春正月永昌徼外夷遣使譯獻犀牛大象己卯司徒丁鴻

薨二月乙未遣謁者分行稟貸三河兗冀青州貧民許侯馬光

自殺東觀記曰光前坐黨附實憲誅國為憲容奴所認告乃自殺丁未司空劉方為司徒太常張奮

為司空三月庚寅詔流民所過郡國皆實稟之其有販賣者勿

出租稅漢循周法商賈有稅流人販賣故矜免之又欲就賤還歸者復一歲田租更賦

音福丙寅詔曰朕以眇末奉承鴻烈陰陽不和水旱違度濟河

之域凶饑流亡尙書曰濟河惟兗州言東南據濟西北距河而未獲忠言至謀所以匡救

之策寤寐永歎用思孔疚孔甚也疚病也詩云憂心孔疚惟官人不得於上黎民

不安於下有司不念寬和而競為苛刻覆案不急以妨民事急不謂非

甚非所以上當天心下濟元元也思得忠良之士以輔朕

之不逮其令三公中二千石二千石內郡守相舉賢良方正能

直言極諫之士各一人照巖穴披幽隱遣詣公車前書音義曰公車署名也公車

所在故以名焉漢官儀曰公車令一人秩六百石掌殿門諸上書詣闕下者皆集奏之凡所徵召亦總領之朕將悉聽焉帝乃親

臨策問選補郎吏夏四月蜀郡徼外羌率種人遣使內附五月

城陽王淑薨無子國除章帝子也六月己酉初令伏閉盡日漢官舊儀曰伏日萬

鬼行故盡日開不干它事秋七月京師旱詔中都官徒各除半刑謫其未竟五

月已下皆免遣丁巳幸洛陽寺寺官舍也風俗通云寺嗣也理事之吏嗣續於其中錄囚徒舉

冤獄收洛陽令下獄抵罪司隸校尉河南尹皆左降未及還官

而澍雨西域都護班超大破焉者尉犁斬其王自是西域降服

納質者五十餘國南單于安國從弟子逢侯率叛胡亡出塞九月

癸丑以光祿勳鄧鴻行車騎將軍事與越騎校尉馮柱行度

遼將軍朱徽劉攽曰案文少一事字使匈奴中郎將杜崇討之冬十一月護

烏桓校尉任尙率烏桓鮮卑大破逢侯闕三州志曰護烏桓擁節秩比二千石武帝置以護內附

烏桓既而并於匈奴中郎將中興初班彪上言宜復此官以招附東胡乃復更置焉馮柱遣兵追擊復之劉攽曰案文少一破字

詔以渤海郡屬冀州武陵漢中蠻叛郡兵討平之

七年春正月行車騎將軍鄧鴻劉攽曰案文亦少一事字度遼將軍朱徽中

郎將杜崇皆下獄死時南單于安國與崇不相平乃上書告崇崇令斷其章緣此驚叛安國卒見殺帝後知之皆徵下獄夏四

月辛亥朔日有食之帝引見公卿問得失令將大夫御史謁者

博士議郎郎官會廷中各言封事十三州志曰侍御史周官即柱下史秩六百石掌注記言行糾諸不法員十五

人出有所案則稱使者焉謁者秦官也員七十八皆選孝廉年未五十曉解償贖者歲

盡拜縣令長史及都官府丞長史博士秦官博通古今秩皆六百石孝武初置五經博

士後稍增至十四員取聰明咸重一人為祭酒主領焉議郎郎官皆秦官也元無所掌

秩六百石或四百石劉攽曰注歲盡拜縣令長史及都官府丞長史案文多一史字

若是王國長史則當并守丞言之明詔曰元首不明化流無良政失於

民謫見于天謫譴也責也禮曰陽事不得謫見于天日為之食深惟庶事五教在寬是以舊

典因孝廉之舉以求其人武帝元光元年董仲舒初開其議詔郡國舉孝廉各一人有司詳選郎官

寬博有謀才任典城者三十人音仁林反既而悉以所選郎官

補長相長縣長相侯相也十三州志云縣為邑則令長為相秩隨令長本秩五月辛卯改千乘國為樂安

國千乘故城在今淄州高苑縣北樂安故城在今青州博昌縣南六月丙寅沛王定薨秋七月乙巳

易陽地裂易陽縣在易水之陽今易州也九月癸卯京師地震

八年春二月己丑立貴人陰氏為皇后賜天下男子爵人二級

三老孝悌力田三級民無名數及流民欲占者一級鰥寡孤獨

篤癯貧不能自存者粟人五斛夏四月癸亥樂成王黨薨甲子

詔賑貸并州四郡貧民。五月。河內陳留蝗。南匈奴右溫禺犢王

○劉攽曰亦少一事字九年

叛為寇。秋七月。行度遼將軍龐奮

尉馮柱追討之。斬右溫禺犢王。車師後王叛擊其前王。八月辛

酉。飲酎。詔郡國中。都官繫囚。減死一等。詣敦煌戍。其犯大逆。募

下蠶室。其女子官。自死罪已下。至司寇。作及亡命者。入贖各有

差。九月。京師蝗。吏民言事者。多歸責有司。詔曰。蝗蟲之異。殆不

虛生。禮記月令曰孟夏行春令則蝗蟲為災萬方有罪。在予一人而言

事者。專咎自下。非助我者也。朕寤寐惘矜。思弼憂釁。尙書曰惘矜

注曰惘痛也矜病也言如痛病成王出郊而反

師尹。勉修厥職。刺史二千石。詳刑辟。理冤虐。恤鰥寡。矜孤弱。思

惟致災興蝗之咎。庚子。復置廣陽郡。高帝時燕國也昭帝元風元年為

冬十月乙丑。北海王威有罪自殺。北海郡今十二月辛亥。陳王羨

薨。丁巳。南宮宜室殿火。

九年。春正月。永昌徼外蠻夷。及擲國重譯奉貢。

也。或作禪者誤也。說文曰。擲傳四夷之語也。三月庚辰。隴西地震。癸巳。濟南王康薨。西域

長史王林擊車師。後王斬之。夏四月丁卯。封樂成王黨子巡為

樂成王。六月。蝗旱。戊辰。詔今年秋稼為蝗蟲所傷。皆勿收。租更

芻粟。若有所損失。以實除之。餘當收租者。亦半入。其山林饒利。

陂池漁採。以贍元元。勿收假稅。秋七月。蝗蟲飛過京師。八月。鮮

卑寇。肥如。肥如縣屬遼西郡。前書音義曰。肥子奔燕。封於此。今平州也。遼東太守祭參下獄死。

記曰。鮮卑千餘騎攻肥如城。殺閏月辛巳。皇太后竇氏崩。丙申。葬章德

皇后。燒當羌寇隴西。殺長吏。遣行征西將軍劉尚。越騎校尉趙

世等討破之。九月庚申。司徒劉方策免。自殺。甲子。追尊皇妣梁

貴人為皇太后。冬十月乙酉。改葬恭懷梁皇后于西陵。諡法曰。正

恭執義揚善曰懷。東觀記曰。改殯承光宮。備十一月癸卯。光祿勳河南呂

比敬國。初。后葬有闕。竇后崩後。乃議改葬。

十一月癸卯。光祿勳河南呂

蓋為司徒蓋字君玉宛陵人也

十二月丙寅司空張奮罷壬申太僕韓稜

為司空己丑復置若盧獄官

前書曰若盧獄屬少府漢舊儀曰主鞠將相大臣也

十年春三月壬戌詔曰隄防溝渠所以順助地理通利壅塞

月令曰季春之月修利隄防導達溝瀆開通道路無有障塞

今廢慢懈弛不以為負刺史二千石其

隨宜疏導勿因緣妄發以為煩擾將顯行其罰夏五月京師大

水東觀記曰京師大雨南山水流出至東郊壞人廬舍秋七月己巳司空韓稜薨八月丙子太

常太山巢堪為司空堪字次朝太山南城人九月庚戌復置廩犧官漢官儀曰廩犧令一

人秩六百石也冬十月五州雨水十二月燒當羌豪迷唐等率種人詣

闕貢獻戊寅梁王暢薨

十一年春二月遣使循行郡國稟貸被災害不能自存者令得

漁采山林池澤不收假稅丙午詔郡國中都官徒及篤癯老小

女徒各除半刑其未竟三月者皆免歸田里夏四月丙寅大赦

天下己巳復置右校尉官東觀記曰置在西河鵠澤縣秋七月辛卯詔曰吏民

踰僭厚死傷生是以舊令節之制度頃者貴戚近親百僚師尹

莫肯率從有司不舉怠放日甚又商賈小民或忘法禁奇巧靡

貨流積公行其在位犯者當先舉正市道小民但且申明憲綱

勿因科令加虐羸弱

十二年春二月旄牛微外白狼獲薄夷率種人內屬闕明十三州志曰旄牛縣

屬蜀郡前書曰旄牛所出歲貢其尾以為飾鬣詔貸被災諸郡民種糧賜下貧鰥寡孤獨不

能自存者及郡國流民聽入陂池漁采以助蔬食三月丙申詔

曰比年不登百姓虛匱匱乏也京師去冬無宿雪以其經冬故言宿也今春

無澍雨黎民流離困於道路朕痛心疾首靡知所濟瞻仰昊天

何辜今人詩大雅周宣王遇旱之詩言今人何罪而天令飢饉乎三公朕之腹心而未獲承天

安民之策數詔有司務擇良吏今猶不改競為苛暴侵愁小民

以求虛名委任下吏假勢行邪是以令下而姦生禁至而詐起

董仲舒曰法出而姦生令下而詐起巧法析律飾文增辭禮記王制曰析言破律也貨行於言罪成

乎手。朕甚病焉。公卿不思助明好惡。將何以救其咎。罰。咎。罰。既

至。復令災及小民。若上下同心。庶或有瘳。其賜天下男子爵入

二級。三老孝悌力田三級。民無名數及流民欲占者。人一級。鰥

寡孤獨篤癯貧不能自存者粟人三斛。壬子。賜博士員弟子在

太學。者布人三四。武帝時置博士弟子。太常擇人年十八以上儀狀端正者補焉。昭帝增員滿百人。宣帝倍之。元帝更設員千人。成帝更增

員三。千八百人。夏四月。日南象林蠻夷反。象林縣屬日南郡。今鬱林州。郡兵討破之。閏月

賑貸敦煌張掖五原民下貧者穀。戊辰。柿歸山崩。柿歸縣屬南郡。古之夔國。今歸州也。

袁崧曰。屈原此縣人。既被流放。忽然題歸其姊。亦來。因名其地為柿歸。亦姊也。東觀記曰。柿歸山高四百餘丈。崩填澗水。壓殺百餘人。六月。舞陽大

水。賜被水災尤貧者穀。人三斛。秋七月辛亥朔。日有食之。九月

戊午。太尉張酺免。丙寅。大司農張禹為太尉。冬十一月。西域蒙

奇兜勒二國遣使內附。賜其王金印紫綬。是歲燒當羌復叛。

十三年。春正月丁丑。帝幸東觀覽書林。閱篇籍。博選術藝之士。

以充其官。二月。任城王尚薨。丙午。賑貸張掖居延朔方日南貧

民。及孤寡羸弱不能自存者。秋八月。詔象林民失農桑業者。賑

貸種糧。稟賜下貧穀食。己亥。北宮盛饌門閣火。護羌校尉周鮪

擊燒當羌破之。荊州雨水。九月壬子。詔曰。荊州比歲不節。今茲

淫水為害。淮南子曰。女媧積蘆灰以止淫水。高誘注云。平地出水為淫水。餘雖頗登。而多不均。決深惟

四民。農食之本。慘然懷矜。其令天下。半入今年田租。芻粟有宜

以實除者。如故事。貧民假種食。皆勿收責。冬十一月。安息國遣

使獻師子。及條枝犬。爵。西域傳曰。安息國居和犢城。去洛陽二萬五千里。條枝國臨西海。出師子大雀。郭義恭廣志曰。大爵。頸及

身。騰蹄。都似橐駝。舉頭高八九尺。張翅丈餘。食大麥。其卵如鵝。即今之駝鳥也。丙辰。詔曰。幽并涼州。戶口率少。邊

役衆劇。束脩良吏。進仕路狹。撫按夷狄。以人為本。其令緣邊郡。

口十萬以上。歲舉孝廉一人。不滿十萬。二歲舉一人。五萬以下。

三歲舉一人。鮮卑寇右北平。遂入漁陽。漁陽太守擊破之。戊辰。

司徒呂蓋罷。十二月丁丑。光祿勳魯恭為司徒。辛卯。巫蠻叛寇

南郡。巫縣屬南郡。故城在今夔州。巫山縣也。

十四年春二月乙卯東海王政薨。繕脩故西海郡。平帝時金城塞外羌獻地以爲郡。至是復繕脩之。金城即今蘭州縣也。徙金城西部都尉以戍之。三月戊

辰。臨辟雍饗射。大赦天下。夏四月。遣使者督荊州兵討巫蠻。破

降之。庚辰。賑貸張掖居延敦煌五原漢陽會稽流民。下貧穀。各

有差。五月丁未。初置象林將兵長史官。闕縣十三州志曰。將兵長史居在日南郡。又有將兵司馬。去雒陽九千里。六月辛卯。廢皇后陰氏。后父特進綱自殺。秋七月甲寅。

詔復象林縣更賦田租芻粟二歲。壬子。常山王側薨。是秋。三州

雨水。冬十月甲申。詔充豫荊州。今年水雨淫過。多傷農功。其令

被害什四以上。皆半入田租芻粟。其不滿者。以實除之。辛卯。立

貴人鄧氏爲皇后。丁酉。司空巢堪罷。十一月癸卯。大司農除防

爲司空。是歲。初復郡國上計。補郎官。上計今計吏也。前漢音義曰。舊制使郡丞奉歲計武帝元朔中。令郡

十五年春閏月乙未。詔流民欲歸還本。而無糧食者。過所實粟

之。疾病加。致醫藥。其不欲還歸者。勿強。二月。詔粟貸潁川汝南

陳留江夏梁國敦煌貧民。前書音義曰。陳留本鄆邑也。後爲陳所并。故曰陳留。今汴州縣也。江夏郡高帝置。西水自江別至南

六月。詔令百姓鰥寡漁采陂池。勿收假稅二歲。秋七月丙寅。濟

南王錯薨。七。錯音。復置涿郡故鹽鐵官。續漢書曰。其郡縣有鹽官。鈇官者。隨事廣狹。置令長及丞秩次

皆如。九月壬午。南巡狩。清河王慶。濟北王壽。河間王開。並從。賜

所過二千石長吏以下三老官屬。及民百年者錢布。各有差。是

秋。四州雨水。冬十月戊申。幸章陵祠舊宅。癸丑。祠園廟。會宗室

於舊廬。勞賜作樂。戊午。進幸雲夢。臨漢水而還。雲夢今安州縣也。即在雲夢澤中。

十一月甲申。車駕還宮。賜從臣及留者公卿以下錢布。各有差。

十二月庚子。琅邪王宇薨。有司奏以爲夏至則微陰起。靡草死

可以決小事。禮記月令曰。孟夏之月。靡草死。麥秋至。斷薄刑。決小罪。鄭玄注云。靡

乃是純陽之月。此言夏至者與月令不同。是歲。初令郡國以日北至案薄刑。

後漢書卷四

十六年春正月己卯詔貧民有田業而以匱乏不能自農者貸種糧二月己未詔兗豫徐冀四州比年雨多傷稼禁沽酒夏四月遣三府掾分行四州貧民無以耕者為雇犁牛直五月壬午趙王商薨秋七月旱戊午詔曰今秋稼方穗而旱雲雨不霑疑吏行慘刻不宣恩澤妄拘無罪幽閉良善所致其一切囚徒於法疑者勿決以奉秋令禮記月令曰孟秋之月命有司修法制繕囹圄具桎梏斷薄刑決小罪方察煩苛之吏顯明其罰辛酉司徒魯恭免庚午光祿勳張酺為司徒辛巳詔令天下皆半入今年田租芻粟其被災害者以實除之貧民受貸種糧及田租芻粟皆勿收責八月己酉司徒張酺薨冬十月辛卯司空徐防為司徒大鴻臚陳寵為司空十一月己丑行幸緱氏登百岷山即栢岷山也在洛州緱氏縣南爾雅云山一成曰岷東觀記作岷並音平眉反流俗本或作杯者誤也賜百官從臣布各有差北匈奴遣使稱臣貢獻十二月復置遼東西部尉官西都尉尉安帝時以爲屬國都尉在遼東郡昌黎城也

元興元年春正月戊午引三署郎召見禁中漢官儀三署謂五官署也左右署也各置中郎

將以司之郡國舉孝廉以補三署郎年五十以上屬五官其次分在左右署凡有中郎諸郎侍郎中郎四等無員禁中者門戶有禁非侍御者不得入故謂禁中

除七十五人補謁者長相高句麗寇郡界夏四月庚午大赦天下改元元興宗室以罪絕者悉復屬籍五月癸酉雍地裂東觀記曰右扶風雍地裂流俗本雍下有州者誤也秋九月遼東太守耿夔擊貊人破之冬十二月辛未帝崩于章德前殿年二十七立皇子隆為皇太子賜天下男子爵人二級三老孝悌力田人三級民無名數及流民欲占者

人一級鰥寡孤獨篤癯貧不能自存者粟人三斛自賣憲誅後帝躬親萬機每有災異輒延問公卿極言得失前後符瑞八十

一所自稱德薄皆抑而不宣舊南海獻龍眼荔枝十里一置五

里一候南海郡秦置今廣州縣也廣雅曰益智龍眼也交州記曰龍眼樹高五六丈似荔枝而小廣州記曰子似荔枝而圓七月熟荔枝樹高五六丈大如桂樹實如雞子甘而多汁似安石榴有甜醋者奔騰阻險死者繼路時臨武長

汝南唐羌縣接南海臨武縣屬桂陽郡今郴州縣也乃上書陳狀帝下詔曰遠國



珍羞本以薦奉宗廟苟有傷害豈愛民之本其勅太官勿復受

獻由是遂省焉謝承書曰唐堯字伯游辟公府補臨武長縣接交州舊獻龍眼荔支及生鮮獻之驛馬晝夜傳送之至有遭虎狼毒害頓仆死

亡不絕道經臨武堯乃上書諫曰臣聞上不以滋味為德下不以貢膳為功故天子食

太牢為尊不以果實為珍伏見交趾七郡獻生龍眼等鳥驚風發南州土地惡蟲猛獸

不絕於路至於觸犯死亡之害死者不可復生來者猶可救也此二物升殿

論曰自中興以後逮于永元雖頗有弛張而俱存不擾是以齊

民歲增關土世廣齊中偏師出塞則漢北地空都護西指則通

譯四萬西域傳曰班超定西域五十餘國皆降服西至海濱四萬里皆重譯貢獻豈其道遠三代術長前世將

服叛去來自有數也

孝殤皇帝諱隆諡法曰短折不成曰殤古今注曰隆之字曰盛和帝少子也元興元年十二

月辛未夜即皇帝位時誕育百餘日誕大也詩大雅誕彌厥月先生如達鄭玄注云大矣后稷之在其母

懷也終人道十月而生詩又云載生載育育長也達音它未反尊皇后曰皇太后太后臨朝儀見皇北

匈奴遣使稱臣詣敦煌奉獻

延平元年春正月辛卯太尉張禹為太傅司徒徐防為太尉參

錄尚書事百官總己以聽封皇兄勝為平原王癸卯光祿勳梁

鮪為司徒漢官儀曰鮪字伯元河東平陽人也三月甲申葬孝和皇帝于慎陵石晉

南三十里俗本作順者誤尊廟曰穆宗丙戌清河王慶濟北王壽河間王開常

山王章始就國夏四月庚申詔罷祀官不在祀典者東觀記曰鄧

好淫鮮卑寇漁陽漁陽太守張顯追擊戰沒丙寅以虎賁中郎

將鄧鸞為車騎將軍司空陳寵薨五月辛卯皇太后詔曰皇帝

幼冲承統鴻業朕且權禮佐助聽政兢兢寅畏寅敬不知所濟

深惟至治之本道化在前刑罰在後將稽中和廣施慶惠與吏

民更始其大赦天下自建武以來諸犯禁錮詔書雖解有司持

重多不奉行其皆復為平民壬辰河東垣山崩垣縣今絳州縣也古

廣四六月丁未太常尹勤為司空郡國三十七雨水己未詔曰

自夏以來陰雨過節煥氣不效效猶將有厥咎寤寐憂惶未知

所由昔夏后惡衣服菲飲食孔子曰吾無閒然非謂也今新遭

問非也

大夏且歲節未和。徹膳損服。庶有補焉。其減太官。導官尚方。內

署諸服御珍膳。靡麗難成之物。太官今周官也。秩千石。與天子廚膳。導官

物內署掌內府衣物。秩皆六百石。並見續漢書。丁卯。詔司徒大司農長樂少府曰。朕以無德

佐助。統政夙夜經營。懼失厥衷。思惟治道。由近及遠。先內後外。

自建武之初。以至于今。八十餘年。官人歲增。房御彌廣。又宗室

坐事沒入者。猶託名公族。甚可愍焉。今悉免遣。及掖庭官人。皆

為庶民。以抒幽隔鬱滯之情。抒舒也。負汝反。諸官府郡國王侯家奴婢

姓劉。及疲癯羸老。皆上其名。務令實悉。秋七月庚寅。勅司隸校

尉部刺史。秦有監御史。監諸郡。漢與省之。但遺丞相史。分刺諸州。無有常官。孝武

為刺史十二人。各主一州。其一州屬司隸。校尉諸州。常以八月巡行所部。郡國錄囚徒。考殿最。初歲盡詣京。都奏。中興但因計吏。見續漢書。曰。夫天降

灾戾。應政而至。聞者郡國。或有水灾。妨害秋稼。朝廷惟咎。憂惶

悼懼。而郡國欲獲豐穰。虛飾之譽。遂覆蔽灾害。多張墾田。不揣

流亡。揣音初。委反。競增戶口。掩匿盜賊。令姦惡無懲。署用非次。選舉

乖宜。貪苛慘毒。延及平民。平民謂善人也。書曰。延及平民。刺史垂頭塞耳。阿私下

比。不畏于天。不愧于人。詩小雅也。假貸之恩。不可數恃。自今以後。將

糾其罰。二千石長吏。其各實覈所傷害。為除田租芻粟。八月辛

亥。帝崩。癸丑。殯于崇德前殿。年二歲。

贊曰。孝和沉烈。率由前則。王赫自中。賜命彊慝。慝惡也。謂誅實等。抑沒

祥符。登顯時德。謂用鄧彪等委政也。殤世何早。平原弗克。平原王勝以固疾不

得立也。左傳曰。弗克

荷負。

劉放曰。紀書孝和葬慎陵。章懷注云。俗本作順陵者。誤。臣攸案。皇后紀。和熹皇后合

葬順陵。以為皇后紀。誤。而靈帝父孝仁。皇稱慎陵。世數不遠。陵名必不相襲。參校前

後。孝和實葬慎陵。言慎乃更為誤耳。疑此亦非。章

懷之失。蓋傳寫誤。以順為慎。亦因以慎為順耳。

後漢書紀第四

卷四

十四

後漢書帝紀第四

Blank manuscript page with vertical columns.

Blank manuscript page with a large dark stain.

